













文苑英華卷第九百六十一

誌三十七

雜一

王勣自撰墓誌一首

楊去盈墓誌一首

揚去溢墓誌一首

梁錡墓誌一首

陳明經元敬墓誌一首

高氏子墓誌一首

陳孜墓誌一首

自撰墓誌

王勣

集作績

王勣者有父母無朋友自為之字曰無功焉或問之箕踞

不對蓋以有道於已無功於時也不讀

集作聽

書自達理不

知榮辱不計利害起家以祿位歷數職而一進階

集作進階

才高位下免責而已矣

集無此字

天子不知公卿不識四十五

十而無聞焉於是退歸以酒德遊於鄉里往往賣卜時時

著集作書行若無所之坐若無所據鄉人未有達其意也

嘗耕東臯世集無號東臯子身死之日自為銘焉曰

有唐逸人太原王勣若頑若愚似矯似激院止三逕堂唯

四壁不知節制焉有親戚以生為附贅懸疣以死為决疣

潰癰無思無慮何去何從集作頭刻石馬鬣裁封哀哀

孝子集作空對長松

集作楊集作去盈墓誌銘

楊炯

古者黃帝軒轅氏沒帝嚳高辛氏作幼而徇齊長而敦敏

則天下之人用其教者百年忠肅恭懿宣慈惠和則天下

之人謂之集作才者八子黃鳥旗而白魚躍集作有周武

之... 形... 一... 而... 歲... 矢... 千... 有... 晉... 文... 之... 答... 霸... 唯... 憑... 集... 作... 六... 卷...

之典王彤弓一而旅矢千有晉文之啓霸雖隱集作公遜

位衰侯失國而文之昭也武之穆也司徒為五教之官有

稷稷焉有黎人焉丞相臨萬機之職嶠函鼎盛赫奕於朱

輪河洛台階昭彰於白玉積善餘慶信而有徵國子進士

楊去盈字流謙弘農華陰人也曾祖諱初周大將軍隋宗

正卿常州刺史順楊公皇朝左光祿大夫華山郡開國公

食邑本鄉二千五百戶唐虞之稷契魏晉之裴王晏嬰可

以事百君臯繇為之暮九德麾蓋兵馬人知牧伯之尊名

山大川蘊集作地積公侯之氣王考諱安偽鄭王克遙集作逼是

授二十八將封鄆國公尋謀歸順為克所害皇朝贈大將

軍旌忠烈也陶謙雅尚祖述雄心會天子之蒙塵見諸侯

之釋位雖陳平去就潛懷杖劍之謀而石勒凶殘遂及推

墻之禍父某潤州句容遂州長江二縣令朝散大夫行鄧

州司馬文武兼備清明集作白在躬一作體人無間言位不充

量四方取則孔宣父之踐中都百里非才龐士元之登別

駕若夫庭生玉樹身帶金鑲有衛玠之風神有張良之容

貌蔣琬之譏盛元集作名責在司空陳蕃之對薛勤志清天

下觀其昏定晨省立身揚名恠草蔚其休徵神魚會其冥

感莊公獨歎聞穎叔之純深有道相推見茅容之盡禮則

閨門雍穆以孝聞也輔仁會友合志同方晏平仲之善交

鮑叔牙之知我張琪集作堪死日妻子唯托於朱暉劉快生

平風月每思於玄度則朋友之德若蘭芬集作薰也朱穆好

學中食志食難周研精欣然獨笑張華四海之內

學中食忘飡譙周研精欣然獨笑張華四海之內若斯諸

掌班固百家之言無不窮究鈎深致遠悅丘墳也八音繁

會五色章明動天地而感鬼神序人倫而成孝敬陽臺並

作楚襄王賜雲夢之田上林同時漢武帝給尚書之筆則

瓊敷玉藻未足多集作云也自攝齊東序撰杖西膠唯集作推

宰我之能言貴顏回之有德成如麟角道尊於璧水之前

翼若鴻毛俯拾於金門之下方將咫尺宣室扈從明庭申

賈誼之忠讜盡楊雄之規諫豫章七載擢修幹而聳長條

有鳥三年搏積集作高風而運滄海豈期數有述否天無皂

白苗而不秀秀而不實者蓋有是夫古人有言沒而不朽

者此之謂也春秋二十有六以上元三年五月二十二日

歿集作終

于京師勝業里嗚呼哀哉至儀鳳四年十二月二

日歸葬於華陰之某原不忘本也山河鬱鬱松柏蒼蒼骨

肉閉兮歸后土魂魄遊兮思故鄉三荆搖落五都悲涼痛

門戶之無主悼人琴之兩忘嗚呼哀哉其其字集作乃為銘曰

高集遠蹠濁涇集作河清渭天子諸侯司空太尉星辰鼓舞

山澤通氣道在者尊德成爲貴賈家五虎後漢黨錮傳賈彪兄弟三人並

有高明天下稱賈氏三虎五當作三偉節最怒荀氏八龍慈明無雙劍光冲

集作侵斗壁氣浮江擬於道德依集作開於邦家予之承親温

席扇枕子之友悌同興共寢朝歌不入盜泉不飲垂露萌

雲繁絃縟錦明經太學射策鴻都揚名集作對揚天子高揖司

徒鱗翻將運波濤不虞寸之集作柰何喪也良可悲夫瞻望不

及仲立以泣唯見黃埃心傷以摧躑躅兮徘徊嗚呼兮

及佇立以泣唯見黃埃心傷以摧躑躅兮徘徊嗚呼兮哀哉長夜漫漫何時旦魂兮魂兮歸去來

楊

集作從弟

去溢墓誌銘

前人

處士弘農楊去溢年二十即華山公之曾孫大將軍之孫

朝散大夫鄧州司馬之第四子也維嶽有五有華山之金

石焉山阜相屬含

集作合

谿懷谷所以鎮其南也維瀆有四

有河宗之玉壁焉波瀾

集作潮波

汨起洄洑萬里所以經其北

也言其土地則巨靈之高掌遠躋作西漢之城池叙其衣

冠則太尉之四代五公為東京之柱國然後積勲累德枝

分葉散大君有命臨夏日之壇塲天子動容聽秋風之懿

範

集作金鼓

是以熊羆入兆羔鴈成群黃憲之名聞於海內陳

蕃之志掃於天下群童忽聚逢若李而懸集作先知賓客相

過問楊梅而即對善父母為孝善兄弟為友居家可移之

道也利者義之和貞者事之幹元亨日新之德也若夫節

陵遺策汲冢殘書倚相之八索九丘張華之千門萬戶莫

不山藏海納學無所遺至如白雪迴光清風度曲崔亭伯

真龍之氣楊子雲吐鳳之才莫不玉振金聲筆有餘力遠

心天授高興生知盡江海之良圖得煙霞之秘筭貞不絕

俗從容於名教之場道由人弘坐卧於羲皇之代乎時朝

廷之上山林之下英儒瞻聞集作文之士洪筆麗藻之客希

末光而影集聽餘聲而響和者猶藩籬之望天地鱗介之

宗龜龍也嗟乎陰陽為道大道無亭毒集作育之心禍福唯

人聖人有抑揚之教知日焉而斃仁焉而終今也則亡歎顏
而之短命死而可作其隨會之同歸文不在茲乎天之將
喪也以某年某月某日終於某所越儀鳳四年十月二日
歸葬於華陰之某原林野彌望關山寥廓樵童牧豎孟嘗
君之池臺一去千年丁令威之城郭悲纏於魯衛痛深於
花萼姜肱沒齒無因共被之歡鍾毓生年非復同車之樂
嗚呼哀哉乃爲銘曰

叔虞建國天錫之唐伯僑受氏食菜於集作于楊五侯箝黻

四代軒裳有德有行如圭如璋乃生男子初集作載寢之牀

從公小大辨日炎涼天下之寶邦家之光神鋒太俊旗鼓

相當事親以禮左右無方交集作友朋以信芝蘭有芳文犀

健筆白鳳彫章鵬鷲齊致江湖兩忘謂天輔德則惟其常
殲我吉士于何不傷關山搖落洲渚蒼茫黃塵匝地白露
成集作霜左右刮骨親賓斷腸摧殘玉樹埋沒金鄉交交
黃鳥爰集于桑命不可贖人之云亡

從甥梁錡墓誌銘

前人

故右衛率府翊衛安定梁錡年三集作十有八以上元三

年秋八月某日終于某所圖其景宿天有大梁之星辨其

物土地有大梁之國考其衣冠人有大梁之姓綜乾坤而

列位兼水木集作而成文業耕織而樂琴書有祭鳴之雅

尚生封侯而死廟食有梁竦之雄圖西山求白鹿之仙東

海受黃蛇之寶魯祖某光祿大夫開府儀同三司驃騎將

軍清河太守右衛大將軍同州刺史上柱國郡守勞通於

日集作月建儀同上法於太階光祿大夫下大夫之職驃驩

將軍大將軍之比祖某河南澠池令卿州司功參軍事冀

州蒲州二府集作州字司馬朝散大夫紀王府司馬襄州同州

二長史仲由宰邑蕭何主吏植温之微謝奕暫為司馬之

官周景之禮陳蕃仍降題輿之命考某國子學生霍王府

參軍并州大都督府兵曹揚州大都督府錄事參軍仲尼

閑居曰參不敏天子命我參卿軍事張常山之福應直保

金鈞謝太傅之閨門唯生玉樹所以圓光折水真集作直氣

衝天孩笑之時見之者知其孝友能言之際聽之者許其

集作以聰明審清河管轄之天文對江夏黃童之日蝕揮其

勁翮則鳳凰飛鳴

集作鳴舞

於赤山整其蘭筋則駿馬騰驤於

綠

集作陸

地若夫神龍負卦瑞雀銜書安釐王汲冢之文穆

天子羽陵之籍莫不因條報葉望表知裏鄭玄殫見覽萬

卷之八千班固洽聞涉五經之四部至如瑀孤夜月筋力

集作角

三才鐵劍秋霜煙雲五色莫不推之以智勇成之以

集作於

揖讓歷諸侯而說劍直之無前引司馬而孫子觀者

如堵可謂多材天縱盛德日新曼倩不讓於詩書翁歸燕

集作自

強於文武由是交通遂廣聲名益振朱家大俠滕公

有然諾之言劇孟過人衣蓋有逢迎之禮及其從微至著

資父事君籍

集作策

冊書之勲業參黑衣之行伍神

一作位

海外瞻鏤榜於明山太玄上雲端聽

集作奏

仙簧於洛水翊鸞

馳道周廬甲觀方當奉朝出使萬里行封受命忘身二

馳道周廬甲觀方當奉詞出使萬里行封受命忘身三軍
拜將豈期年歲朝露浮生過隙漢逸人之雅操命也如何
魯司寇之知言苗而不秀嗚呼哀哉望吾子者空懷倚廢
之歎嗟余弟者獨有忘琴之悲從日月於龜謀考圖書於
馬鬣集作老圖越以儀鳳三年春二月某日甲子葬於某
所悲夫吾見其進由來孔李之家吾謂之甥實曰何劉之
族陽元既歿瞻舊宅而無成康伯不存對玄言而誰與其
銘曰

山河帶礪金木精靈磊磊集作鬱鬱千丈森森五兵駢駢面掖

出入東明人壽無幾皇天不平碑留郭泰挽送田橫終寂
寥於相宅空嗟歎於佳城

陳明經

文粹作我府君有周君士文林郎陳公

墓誌文

陳子昂

公諱元敬字某其先陳國人也五世祖太樂梁大同中為

新城郡司馬生高祖方慶方慶好道得墨子五行秘書白

虎七變法遂

集粹無此字

隱於郡武東山生曾祖湯湯為郡主

簿湯生祖通通早卒生皇考辨為郡豪傑公河目海口顙

集作鷲文粹作欽後漢周欽頤注欽或作頤立凡切

顙虎頭

文粹作頤

性英雄而志尚玄

默群書秘術

集粹作學

無所不覽年弱冠早為州間所服耆老

文粹作長

童幼見之若大賓二十鄉貢明經擢第拜文林郎

屢憂艱不仕潛道育德穆其清風邦人馴致如衆鳥之從

鳳也時有決訟不取州郡之命而信公之一言四方豪俊

望風景附朝廷聞名或以君為西南大豪而不知深蒸蒸

望風景附朝廷聞名或以君為西南大豪而不知深蒸蒸

懿敬讓以為德二字文粹作得也州將縣長時或為集作議音讓

癸未唐曆云微公乃山棲絕穀放息人事餌雲母以怡其

神居十八年玄圖文粹作圓大天集作象無所不達嘗宴集有然字坐

謂其嗣子子昂曰吾幽觀大運賢聖生有萌芽特發天下

乃茂六字集粹作時發乃茂不可以智力圖也氣同萬里而遇合不

同造滕而悖古之合者百無一焉嗚呼昔堯與舜禹合天

下得之四百餘年湯與伊尹合天下歸之五百年文王與

太公合天下順之四百年幽厲版蕩天紀亂也文粹無此字聖

賢不相逢文粹有也字老聃仲尼淪溺溷世不能自昌固有國

者享年不永彌四百餘年戰國如磨集粹作糜于赤龍赤龍

之興四百年天紀復亂胡夷集作胡奔突賢聖淪亡至于文粹

有今 四百年矣天意其將復周乎於戲吾老矣汝其志之

太歲己亥享年七十有四七月七日己未隱化於私宮集作

結 孤子子昂愚暗集粹作昧 鞠然在疚不知所從乃祇馴聖人

卜宅之義是歲十月己酉遂開拭舊塋奉寧神於此山石

佛文粹 作山谷之中岡也銘曰

賢者避地邈其如集粹無此字 往鳳兮鳳兮誰能象兮嗚呼我

君懷寶不識集粹作試 孰知其深廣兮悠悠白雲自怡養兮大

運不齊聖賢同同字集作岡象 兮南山四君不遭漢天子固亦高

丘之遺壤兮集有此十五字文粹英華並無

高氏子集作上 墓誌銘

前人

維光垂拱二年太歲景戌七月二十日殤子高氏卒焉集無

焉嗚呼哀哉含瓊敷而不玉實者有矣夫吾觀顯元機化

出入天壽之數榮落之原皆一受而不易者已悲夫古人

之仁懿中庸不幸短折集作命今復見之於高子矣高子渤

海蓀人也黃州府君之幼孫宛州府君之叔子天集無此字

而岐嶷實覃實晬集作華越在襁褓神明滋茂童蒙淵敏光

潤玉頰八歲始教方書受甲子已知孝悌之道詩禮之規

宛丘府君鍾愛之他日嘗趨庭與諸兒戲神清涵泳綽然

如鳴雛鵠子有青雲之意也府君羨之曰能光我家者此

兒十五通左氏春秋及尚書淵塞集作騫非之志日新宏大矣

不幸享年十七遇暴集無此字疾而夭嗚呼哀哉宛丘府君感

慟哀過於禮曰不恨爾壽之不長惜爾器之不彰天何苗

育今也則亡嗚呼吾將老矣爾遠何哉其年七月殯於家

園日月云徂六載于茲矣天授集作鳳非二年龍集辛卯府君

方大崇元域以安先兆諸子之樞皆附焉其年二集作非月

癸卯朔十八日庚申啓殯歸瘞於大塋禮也銘曰

來不可遏去不可止唯死與生由生與集作以死於戲殤子

噫何往矣傷慈父之肝情獨冥冥而長已死而有知可也

若其無知悲爾

陳集作堂第孜墓誌銘

前人

君諱孜字無怠其先陳國人也五代祖太樂梁大同中為

本郡大司馬生高祖方慶屬梁亂始居新城郡武東山生

大父湯為郡主簿大父生曾祖通集作非早卒通生皇祖辯

少時... 學... 以英... 剛... 然... 者... 聞... 是... 以名... 節... 為... 州... 國... 所... 服... 也

少習儒學然以英豪剛烈著聞是以名節為州國所服皇

祖生考元爽保食集作植先人茂德降生於君君幼孤天姿

雄植英秀獨茂集作邁性嚴簡而尚獨儻之奇愛廉貞而不

拘介獨之操始通詩禮略觀史傳即懷軌物之標希曠代

之業故言不宿諾行不苟從率身克已服道崇德閨門睦

陸字集如也鄉黨徇集作恂如也至乃雄以濟義勇以存仁

貞以立事毅以守節獨斷於心每若由已實為時輩所高

而莫敢與爭倫二字集作倫也以是鄉里長幼望風而靡邦國賢

豪聞名而悅服方謂拂羽喬木緬昇高雲而遭命大過棟

撓而殞嗚呼天咎予乎時年三十五是歲龍集癸巳有周

天授三年集作二年按唐書天授三年四月改元秋七月

卜地集作兆不吉權殯於直諦寺之北園始以今甲午歲獻

春一月乙酉朔二十五日巳酉窆於石溪山之北岡陪考

域集作墳也君家世墳壙在武東山昭穆崇封松栢成列集作

列集作盛至若集作此字君考遺令獨愛石溪之岡故君從先志祔葬

于此嗚呼哀哉始君伯父海內之文人也含紀綱集作純綱之

德有高代之行每見君歎曰吾家世雖儒術傳嗣然豪傑

英雄季世不泯集作秀世濟不泯常懼後來光烈不象先風每

一見爾慰吾家道實謂君有逸群之骨拔俗之標超山越

壑可以駿邁也豈其天絕喪茲良圖嗚呼其元命歟遭命

歟天不佑集作忱歟道固謬歟大圓蒼蒼大方茫茫賢聖同

此之於爾集作三字集何傷古人有言珠玉瘞之集作瘞是暴骸

中京兒孫家道尚僉名訓未墜以訂對之譽立口故爾

於中原况吾家道尚儉名訓未墜封樹之禮吾敢過焉是
用錫爾瓦木之器塗芻之靈堯舜之典忠孝之經昭示後
代以安爾形銘曰

我祖之歲黜兮邈於陳緬遙裔兮此江濱

集作

五代崇光

兮至夫君徽烈英曜兮始氛氲

集作芬葢

何意嚴霜兮降青春

玉樹吹落兮成黃塵南山無隙兮永幽淪悠悠昭代兮非

集作

爾辰吾慟感傷兮哭

集作號

蒼旻問之著策兮立茲墳

乃言千歲

集作載

兮寇

集作冠非

來臻黃頭之子白眼

集作服

人鳴

呼

集作嗟爾

黃頭兮勿傷神

文苑英華卷第九百六十二

雜二

張處士恪墓誌一首

徐氏子巖墓誌一首

鄭處士稷墓誌一首

李修墓誌一首

張處士墓誌一首

侯處士高墓誌一首

鄭君子挽墓誌一首

駱處士峻墓誌一首

盧秀才霈墓誌一首

張府君墓誌銘

張說

府君諱恪其先晉人晉有張老韓有開地漢有留侯侯八

代孫皓為司空司空子宇為北平太守遭漢亂離家於范

陽至玄孫華復為晉司空遇難子孫南渡其處者或寓於

蒲坂周齊間有歸者因從一有徙字焉君晉司空十一代孫也

魯祖徵君諱子犯祖河東郡從事諱駿集作俊父道通館學

士諱弋德音遺範詳諸家諫君孤紹單門傍無兄弟苗而

不秀未仕而卒道未融於邦國位未揚於王庭故老之口

浸遠好事之書又闕是後生不得預聞焉哀哉嗣子晉州

洪洞丞隲襁褓穠麻育於舅氏夫人隲西董氏常州長史

雄之女也早年守義唯鞠一子嚴而有檢勤而善訓成先

人之丕烈貽後嗣之積善徵太夫人德則張氏幾將墜焉

開耀元年十二月二十七日終于集作於鄜城縣世婦馮氏

之別業春秋七十有二先君之違世也太夫人在堂大門

在續日月逾邁有志未從是諸孫疾馬若履淵谷以具

在殯日月逾邁有志未從是諸孫疾馬若履淵谷以景龍
三年歲次己酉冬十月二十六日克葬王父王母於蒲坂
東司空之村成先志也銘曰
綿綿王父續我靈基幼而植德人莫知之烈烈王母克明
堯類教成鬻子光我族嗣中條之比大河之東丘陵桑梓
鬱鬱崇崇千年啓室百歲來同永惟先志欽成厥終

徐氏子墓誌銘

前人

徐氏子者名巖字某司封員外郎堅之第四子也驥子睨
雲風毛洗日孝友因性聰敏若神置在膝前已會星辰之
氣戲于床下能記賓主之詞及總角成童精意好學門一
知十升堂覩奧下筆成章而倫要發言爲論而卓詭識者

咸謂增世構之崇蘊益源流之洪潤雖其茂之孫十二飛
辯班彪之子九歲能文不尚之也天乎何辜顏湏無命年
十有三歲大定元九月遭疾而沒嗚呼哀哉凋月始生
不見其盈瓊枝方秀不見其茂悲哉銘曰
生日何淺死路何深珠碎朧月花殘稚林哀哀父母孰處
其心

蕩子常八墓誌

獨孤及

蕩子河南獨孤氏小字常八以其弱而未名也故以字稱
地齊司空行臺尚書令臨川郡王之七代孫有虞安南郡
長史府君之曾孫潁川郡長史府君之孫左驍衛兵曹參
軍公之元子秘書省著作郎京兆偉偉集字之甥生有奇

表溫朗集作明聰秀輩訂於保姆傳婢之手巖然異於凡童

氣閑體和取與必時諸父諸母每謂與我家者必此兒也

賓客之至者看玉人不暇儻蒙集無此字假以壽命則成器致

位未易度也不幸多病大曆六年歲次辛亥集作丑非十二月

二十二日夭於舒州壽至集作止五歲三集作四非十甲子長幼

惋毒六姻悼惜嗚呼天將不昌吾後裔乎不然曷使此孩

不至於集作于成歟大曆八年夏四月十六日以其喪歸葬

洛陽祔于王父集有母字宅兆之側其仲父銜涕書其始終紀

于墓云

此篇誤編在九百六十六卷婦人門今移於此

鄭處士墓誌

歲在戊午六月戊子處士滎陽鄭君卒于常州福業寺庚

寅權窆于某鄉原嗚呼處士之為人也入則孝出則悌直

而不犯柔而不懾好讀周易及太史公書嘗遊於集無南

巢作吊夏桀文其辭甚典集作正足見其質嚮使天假之

壽與之祿則其道可熾坎壈世故行年三十三集作而夭

哀哉處士諱稷故酸棗令某之孫今黃巖令季江之子故

吏部侍郎贈左僕射齊公潛之外孫也合內外之休德成

中和之茂行使夫生不得其辰沒不見其親託遺骸於他

土顧稚子而未識痛矣夫斯命也於是書石以誌卒葬且

懼年紀超忽故月而日之

李慘集作慄墓誌

前人

李慘姓李氏隴西咸紀人京武昭王玄感之後曾孫也

李修 西李 世 墓誌
前八
君諱修姓李氏隴西成紀人涼武昭王玄盛之後曾祖如

順皇朝太子洗馬生大父元恭開元中以文學政事歷太

理卿判尚書吏部侍郎侍郎生烈考訥官至太府寺丞君

承家集作 夙承休緒少有令聞孝敬仁順弘毅貞亮非禮不言

見善必行行有餘力則覃思六經揭厲百氏是故淳秀之

氣播爲文章發於事業難於進易於退道不苟行位不虛

受常州刺史獨孤公及之臨舒城聞而悅之辟爲集作 如非從

事府遷於常州君亦至焉獨孤公文德爲天下望君入則

從容討論出則勤慮政事議者以君建大名致厚位必自

此始不幸短命享年若干以大曆十二集無 此字年春三月甲

子寢疾而沒焉集無 此子嗚呼天與之才天集無 天字 一本作又與之器

不與之壽不與之位天何言哉君娶范陽盧韶女一子越
在襁褓哭泣無主其仲兄武進尉迅街天倫之哀謀及卜
筮以是月既望抱其孤送君之喪權窆于正勤佛寺之地
原時不利不克反葬集作喪故也友人安定梁肅紀其終始
德善著于石俾來者有以知君子之墓云

殤子穆若愚墓誌

穆員

穆若愚唐秘書監新安公之孫前御史中丞公之第五子
貌宜貴壽神宜才藝氣宜淑哲生七年而夭痛莫如之時
諸父不天方集茶蓼一慟之外且相諭曰老氏謂身為太
患然則人之生也適與患並男子既亂以往患於是始此
子也生無有生之患沒有無患之樂一作生無生之患歎然

七律與廣賦與興太古為...

與大化潛契曠然與太古爲鄰齊彼彭聃爲歸坯土命也
如何偃師首陽山之北原吾祖宗之所宅翌日遷柩於先
府君之後又翌日窆焉貞元十一年六月二十五日叔父
負記

裴處士墓誌

前人

唐貞元四年春正月負太夫人惟杜氏西階之事命長子
贊咨於家君習於卜筮展孝思於罔極抒孔懷於同氣躬
備如新之庶物泊一日二人之具授從父之弟湊浮舟于
河啓殯于淇二月癸巳舅氏奉我外王父朝城府君王母
豐縣君劉氏洎伯舅之喪至自衛先是卜兆于偃師首陽
山之北原壬寅遷朝城豐君歸於貞宅伯舅祔焉伯舅諱

浩字某皇朝并州石艾縣丞文行曾孫絳縣令玄度孫魏
州朝城令翔之第二子也孝弟篤實可移於事君肅恭信
順可施于有政行成於進而名未之歸學優於用而祿未
之及天寶末天下亂藏於衛州之別墅昏氛四塞豺虎信
信行無所從退迫啗噬殷憂不壽發疾而終時至德三年
二月二日春秋三十有五夫人京兆常氏挈未童之孤孫
是逃鋒刃保朝夕之不遑而踰月之禮蓋闕乃於其所殯
焉我慈親念羈魂之靡託苦心不忘痛求言改葬與大事
俱世道多故坎壈未集嗣子佐餘力能學含章而文仕潤
州叅軍杭州司回越在東南計之靡及夫人後元年棄養
於潤州官舍將謀同穴蓋時趣道遠如佐之不至且俟佐

焉然則夫人之家聲美行請讓於來者之誌銘曰

嗚呼沒而無知也盡我慈親之情成爾孝子之志而已矣
如有知也父母與子相見泉隧其樂融融其樂洩洩彼美
家室昔如琴瑟他年令嗣祔玄堂使我長夜覩白日

處士侯君墓誌

李翱

侯高字玄覽上谷人少爲道士學黃老練氣保形之術居

廬山號華陽居士每激發則爲文達意其高處駸駸乎

集有

有漢魏之風性剛勁懷救物之畧自儕周昌王陵所如固

不合視貴善宦者如糞溲與平昌孟郊東野昌黎韓愈退
之隴西李渤濬之河南獨孤朗用晦隴西李翱習之相往
來汴州亂兵士殺畱後陸長源東取劉逸淮乃作弟汴州

文投之大川以訴貞元十五年翱遇玄覽於蘇州出其詞

以示翱翱謂孟東野曰蜀本有我字誠之至者必上通上帝聞

之劉逸淮其將不久後數月而劉逸淮竟死其首章曰穹

穹與厚厚兮鳥憤予而不攄翱以為與屈原宋玉景差相

上下自東方朔嚴忌皆不及也達奚撫為楚州起攝盱眙

祭酒李公遜刺衢州請治信安其觀察浙東又宰于劍三

縣皆有政不幸得心疾留其子徇兕於翱家而歸廬山不

到卒於江西其子壻王適使備吉勉求君所如蜀本值君作知

卒吉勉以君喪殯於棗州之野而復於適適又死適之妻

使吉勉來告於翱翱以徇兕歸適妻居二年適妻又死徇

兕尚童翱慮吉勉之短長不可期則君之喪終不墳矣故

使吉勉性葬之而識其墓以示徇兕

使吉勉往葬之而識其墓以示徇兕

有唐君子鄭公墓誌銘

歐陽詹

貞元十一年歲在乙亥某月日清源郡晉江縣君子鄭公
年若干終于其居州閭親識遠近漣涕重吉人也嗚呼杞
梓植於深林雖人不知不妨其為天下之材也珠玉碎於
重泉雖人未玩不妨其喪天下之寶也公之生則深林之
材公之沒則重泉之寶不知而有未玩而亡哀哉公諱晚
字秀集作季實其先宅滎陽永嘉之遷遠祖自江上更徙于
閩今為清源晉江人曾祖某官祖某官父某官太夫人同
郡潁川陳氏育者三男三女公則長男也自七八歲則明
敏嚴潔無復童心泊十二三則溫良貞亮有成人之德既

冠儀表可觀孝悌惠和侔於前哲人望無間時譽皆歸鳳

不近腥龍多自盤優遊仁里四十不試詹有若如集無入如字

之妹獲配於公公太夫人早亡集作世妹不逮事則見公霜

露之感蒸嘗之敬公尊府君近掄其旨妹及同養則見公

晨昏之愛縷斬之至奉公居闈門鄉黨者十有五年故集作芬

顧詹於公善良內外兼得受命不末其如命何蘭芳集作芬

蕙馨或亦中敗惜哉子二人皆幼公在日名之曰彥文彥

章詹既在京師不遂撫慰來人有述實孺能號妻亦聞哀

有過人禮不逾制定集作定取遠日堂殯三年以貞元十三

集作二年某月日未厝于郡城東偏而闈儒里常熟湖之北原

禮也妹有遠告咨余題誌既泰集作貞懿實舊知人江嶺

則段想象不味取斯集作芳茂為奇銘墓誌云集作芳茂

則邀想像不昧取斯思

集作

芳茂為寄銘墓誌云

集作以銘寄為銘

四

有斐秀

集作季

實君子之禎忠信溫良自幼而行少不改任

長更推誠材植遠林寶產遐壤無知無玩自生自喪骨肉

歸土用瘞斯原嗚呼斯原未棲君子之魂

駱處士墓誌

杜牧

灞陵駱處士名峻字肅之華州華陰人也當建中四年年

二十遊京師值泚亂為其黨源休拘委以軍

集無此字

事處士

逸一日夕行二百里拜親於華陰因啓度賊終不能東出

百里間鄉里不足憂願得一見天子於艱危中遂入奉天

至漢中屢以兵食干執事者後長安李懷光踵叛關中公

私飢李馬渾兵十餘萬計日餉食有司因請授處士岳州

巴陵尉繫職於饋運間後四遷至揚州至作士曹參軍至

元和初以母喪去職哀哭瀕死終喪因曰汗音吾跡二十

餘年食豐衣鮮以有養也今可以行吾志也乃於灞陵東

坂集作下得求集作樹以居之相國杜公黃裳在蒲津相

國張公弘靖在并州人梁渾尚書鎬在易定潘侍郎孟陽

在蜀之東川司徒薛公萃集作在鄭滑皆挈甲詞幣馬

至門曰處士不能一起助我為治乎皆以疾辭長慶初桂

府觀察使杜公凡兩拜章乞為梧州刺史詔因授之衆皆

曰今黃家洞賊熾邕容兵連敗縮首不出猶昇鱉耳交趾

殺都護復早亂相仍朝廷豈捐此三處不以公治之而反

置公為梧州耶處士慘而讓祗以疾辭以研訖不言其地

置公爲悟守耶處士慘而讓祗以疾辭訢訖不言其他爾
後人知其堅不可復動矣田三百畝果疏占其一粹墾辛
苦不受一人錢惠朝之名士多造其廬未嘗以栖退超脫
之高露於言色溫敬畏下如勇於仕進者論及當代利病
活人綏邊之策必疊疊盡吐藁達於在位者至於安危機
鍵之語默不出口志不信浮圖學有言者必約其條目引
法經以窒之曰是乃其徒盜夫子之旨而爲其詞是安能
爲之善圖山水狀鑿者比之宋審王維之儔鄉里百家
問訟集作吉凶一來決之凡三十六年無一日不自得也
以會昌元年十一月某日卒年七十九以某年月日歸葬
於華陰縣先人之墓處士常曰相國劉公晏不急征不橫

賦承喪亂

集作亂亡

之餘食數十萬兵者二十餘年斯過蕭何

遠矣每長短校量今古富人強國之術我烈祖司徒岐國

公丞相趙國公李公當貞元元和時儒學術業冠天下每

與處士語未嘗不嗟嘆其才恨其尚壯不可屈以仕優禮

接之嗚呼賢哉銘曰

不見可欲使心不亂古之作者窮栖自斷

作鍛

子伯子至王

霸夕卧向栩相趙馬良車煥子夏高弟心中交戰處士之

居洛

集作洛

青門畔文駟連羈繡鞞

集作鞞

交貫危冠自喜

音戲

前

集作首

縈後絆言詭揖去一如不見我齒未衰誰為

集作知

已知岐公主師見必迎善語必移特論兵計食屈指無遺

功名富貴不能鉤

集作勸

之諸侯六辟南服一麾笑而不答

亦無是非三百畝田百竇滋繁集作三十六年食具未乾

亦無是非三百畝田百實滋繁集作三十六年食具衣完

人集作其去矣誰知其端嗚呼賢哉

范陽盧秀才墓誌

前人

秀才盧生名霈字子中自天寶後三世集作或仕燕或仕

趙兩地皆多良田畜馬生年二十未知古有人曰周公孔

夫子者擊毬飲酒馬射走兔語言習尚無非攻守戰鬪之

事鎮州有儒者黃建鎮人敬之呼為先生建因語生以先

王儒者之道因復曰白河而南有土地數萬里可以燕趙

比者百數十處有西京東京西東集作有天子公卿士人

畦居兩京間皆億萬家萬國皆持其土產出其珍異時節

朝貢一取約束無禁限疑忌廣大寬易嬉遊終日但能為

先王儒學之道可得其公卿之位顯榮富貴流及子孫至
老不見戰爭殺戮生立悟其日即陰約母弟雲竊家駿馬
日馳三百里夜抵襄國界捨馬走行徑入王屋山詣諸道
士觀道士憐之置之外門廡下席地而處始聞孝經

集作開孝

經論語布褐不機粹草爲茹或竟日不得食如此凡十年

年三十有文有學日閑習人事誠敬通達汝洛間士人稍
稍知之開成三年來京師舉進士以

集作於是

群輩中酋酋然

凡曰進士知名者多趨之願與之爲交生嘗曰丈夫一日

得志天子召坐於前以笏畫地取山東一百二十城唯我

知其甚易耳因言燕趙間山川夷險教令風俗人情之所

短長三十年來王師攻擊利與不利其所來由明白如影

畫一一可以目視開成四年客遊代州南歸某月某日於

曹州虞邑縣界晝日盜殺之京師名進士聞之多有哭者

資其第雲至霍邑取生喪來長安以某年某月某日葬於

城南某縣某鄉某里某所資費皆出於交游間曾祖昌嗣

涿州刺史祖顥集作顥易州長史父勸鎮州石邑令某常以

生之才節薦生列集無於公卿間聞之死哭之因誌其墓

進士龔軺墓誌

前人

會昌五年十二月牧自秋浦守桐廬路由錢塘龔軺袖詩

以進士名來謁時刺史趙郡李播曰龔秀才詩人兼善鼓

琴因令操流波弄清越可聽及飲酒頗工集作章程謹雅

兩和飲罷牧南去舟中閱其詩有山水閑淡之思後四年

守吳興因與進士嚴憚言及鬼神事嚴生曰有進士龔軺
 去歲來此晝坐客館中若有二人召軺者軺命馬甚速始
 跨鞍馬驚墮地折左脛旬日卒余始了然憶錢塘見軺時
 徐徐尋思如昨日事因知尚殯于野乃命軍吏徐良收葬
 于下山南去州城西北一十五里嚴生與軺善亦不知其
 鄉里源流故不得記嗚呼胡為而來二鬼驚馬折脛而死
 哉大中五年辛未歲五月三

集作
二
日記

文苑英華卷第九百六十一

婦人一

周譙國公夫人步陸孤氏墓誌一首

周趙國公夫人紇豆陵氏墓誌一首

周安昌公夫人鄭氏墓誌一首

周大將軍隴東郡公候莫陳君夫人竇氏墓誌一首

周冠軍公夫人烏石蘭氏墓誌一首

周鄭國公夫人鄭氏墓誌一首

後魏荊州刺史賀拔夫人元氏墓誌一首

周長孫都督夫人羅氏墓誌一首

周拓拔儀同夫人尉遲氏墓誌一首

周柴驃騎夫人李氏墓誌一首

周譙國公夫人步陸孤氏墓誌銘

庾信

夫人諱字本姓陸吳郡人也天子拓境百越來庭丞相勒
兵三江席卷高祖載爲劉義真長史留鎮關中旣沒赫連
因卽仕魏臨終誠其子孫曰樂操土風不忘本也言念爾
祖無違此心祖政驃騎大將軍儀同三司恒州刺史父通
柱國大將軍大司馬文安公匡贊經綸參謀揖讓名高廣
武功重長平夫人七德含章四星連曜敬愛天情言容禮
典九日登高作銘秋菊三元告始或謂春椒年十有四娉
于譙國友其琴瑟愈恭節儉之心伐其條枚實秉憂勤之
德地登高之錦自濯江波平陽採桑心之津躬勞蠶月天

地登高之錦自濯江波平一陽採桑之津躬勞婦月二

和元年册拜譙國夫人東武亭之妻既稱有秩南城侯之

婦還聞受封柱國殿下以名華分照增城峻土揚旌棘道

問政叩都白狼之溪途艱黃牛之坂荔枝之山地險莆菑

之國夫人別離親戚關河重阻夷歌一曲未足消憂猿鳴

三聲沾衣無已一作有感是以天厲之疾遂成沉痾玉瀝難開

金膏實遠建德元年七月九日薨于成都私第春秋二十

有二即以其年十一月二十二日歸葬長安之北原詔贈

譙國夫人禮也殿下傷神秋月掩淚長松周季直之留書

與深冥漠潘安仁之詞藻徒增哀怨豈言西河女子獨見

銀臺東海婦人先逢金闕銘曰

疑陵反旆椒山止戈金精據嶺昌閣凌波西遊卿相東

裂山河華亭冠冕穀水絃歌震維徙族燕垂從官塞入飛
狐關連鳴鴈策預登阜功叅臨澗寶鼎留銘彫戈餘贊應
圖淑令秉禮言歸魚軒馮軾澤雉文衣明月照鏡仙石支
機行雲細起迴雪輕飛北降帝子南麾蜀守若水既開靈
山已鏤月峽猿啼江神牛鬪星機北轉日轡西迴陽泉伏
氣陰律沉灰鶴辭吳市鳳去秦臺神光離合燈影徘徊雙
流反奠百兩迴旌少女離位夫人去城帷堂野設帳殿郊
營山川竒事風月無情搖落白隴荒涼封域樹樹秋聲山
山寒色草短逾一作愈平松長轉直節墳方固園陵未植

周趙國公夫人紇豆陵氏墓誌銘

前人

魏人諱含生本姓竇扶風平陵人魏其朝議列侯則莫能

漢人諸舍生本姓竇扶風平陵人魏其朝議列侯則

抗禮安豐奉圖功臣則咸推上席外戚列傳既聞建武之

書仲山古鼎或表單于之獻祖畧少保建昌郡公父織柱

國大將軍大宗伯鄧國公子孟津大誓常預同德之臣咸陽

違約克贊先登之主並得位入六府功叅八柄夫人有文

在手有象應圖榮曜夙彰徽華早茂肅恭以禮受教於公

宮言容以德有聞於師氏及乎進賢君子內主邛郫琴瑟

在堂輜軒是服長久於節不無秋菊之銘履端於始或有

椒花之頌豈止莊姬掩淚一作笑楚相知慙定姜問兆齊兵

不入武城二年冊拜趙國公夫人漢王聞立義之婦邑以

延鄉齊侯見有禮之妻封之石窳異代同榮差無慙德柱

國殿下居若木之一枝在天漢之別派揚旌玉壘驅傳銅

陵南通向日之民東被無龍之國夫人從政月峽贊德雲

門錦濯江波還臨織室山明石鏡即對粧樓既而玉律頻

移金爐不變胡香四兩嗟西域之使稀靈草一枝一作恨

瓊田之路絕天和五年四月二十二日薨于成都之錦城

春秋二十孫子荆之傷逝怨起秋風潘安仁之悼亡悲深

長輦况復仙臺未剏無復簫聲傳母長歸唯留琴曲七年

二月日歸葬於張安之洪瀆原詔贈趙國夫人禮也雲雨

去來既留連於楚后光陰離合實惆悵於陳王銘曰

河西斗絕觀津孤起章武賢臣安豐賢仕木樓千仞金山

萬里紹慶邢姨基昌朱子施衿趙北特姆秦南絃綖禮數

厥欣駢驂義超江汜仁流葛覃玉筐迎鸚金籠助蠶敬愛

北齊書卷一百一十五

絕深端莊淑問有光國史無形喜愠舉案外恭停機下訓
馨馥於蘭年華於舜風雨消散神靈離絕婺女還星姮娥
歸月左楹夕奠高堂朝發空揚凌波更無迴雪下平口隰
高平曰原西臨水井北望塞門猶垂雉服尚駕魚軒平原
忽矣天道何言山廻地市路沒滕城松悲鶴去草亂螢生
新雲別起舊月孤明賢墳未式節隴常貞

周安昌公夫人鄭氏墓誌銘

前人

夫人諱某滎陽武人也周宣王之母弟俾侯于鄭鄭莊
公之重世卿士於周以國爲族自茲而始祖瓊太常恭侯
父穆司空貞公西京賦詩奉常叅栢梁之宴東都言讖司
空爲武衛

一作玄武後漢王梁傳赤伏符曰王梁
主衛作玄武水神名司空水土宮也

之官籍

連帝譜既同盤石門稱通德無廢儒林夫人禮義閨門端
莊令淑采采芣苢萋萋葛覃及乎作配君子言事舅姑下
氣怡聲承巾奉帚親戚惟禮閨闈以睦保定二年冊拜榮
陽郡君序戚升榮從夫有秩豈惟立義一作德之婦邑以延
鄉有禮之妻封之石窠大將軍沉犀二江夫人聞猿三峽
明月靈關之阻秋風蜀道之難掩以瑤華先從春露天和
十八年五月二十日薨于成都春秋三十六年詔贈安昌
國夫人禮也即以其年十一月十六日歸葬于咸陽之白
起原遂使山迴及壤先封節婦之陵日入虞淵實掩賢姬
之墓嗚呼哀哉乃為銘曰

天河開國分畿置政地有十城人居九命疇昔之邑

我性識履傳風參與留慶三星在江戶百兩言歸處禁內政

成姓識履傳風叅與留慶三星在戶百兩言歸處恭內政
榮曜中闈承姑奉盥訓子停機桑園蚕績綿室鸞飛珩璜
節步藻火文衣巴水幽咽猿鳴斷絕月落珠傷春枯桂折
趙琴長辭秦簫永別貞姬掩隧節女封墳洛濱無月荆臺
失雲鳥悲傷聽松聲愴聞千年遂古百代餘芬

周大將軍隴東郡公侯莫陳君夫人竇氏墓誌銘

前人

夫人諱某扶風平陵人也章武開國名高外戚之右安豐
入朝位在功臣之上祖以孝昌之始主諾淮陽父以正光
之初褰帷海岱夫人生於禮義之門宗於箴誠之德虔恭
惟禮令淑惟儀及乎百兩言歸三星在戶箴盥

禮記
作管始事

條枚是則有子從政猶無逸豫之心有夫出征自識山陵

之兆大統十六年冊授未安郡君婦以夫尊親由子貴朝

章家慶一作承家之慶兼而有之保定二年改授隴國夫人車服

禮數桂襦典則有美河魴足光彤史既而風霜所及一作厲

灰瑄遂侵與善何言至于大漸天和六年四月七日薨春

秋六十有六即以其年十月十日遷葬於咸陽萬年一作石安

堂唐書地理志咸陽無石安縣而此卷元氏誌文云咸陽石安原縣之杜原山形起伏既

符白鶴之祥地勢風煙乃合青鳥之氣銘曰

觀津世族平陵豪姓四侯登仕三君從政白狼建功丹蛇

襲慶漢之廣矣先聞淑令君子朝端賢才家政箝耳以禮

軒車以命讓果成庶推珠止競百年超忽千金莫恃室

貴族遊辭貴子歸鞶輟露采繁廢祀室委眠蚕衣留

軒車以命讓果成燕推珠止競百年一趨忽于今莫恃空
賢夫庭辭貴子歸鞶輟露采繁廢祀室委眠蚕衣留畫雉
一作元衣 雲垂下澤日掩高春空帷舊館厖幕新封山廻
苗雉非 廣柳路沒深松遊魂幾變大人何從

周冠軍公夫人烏石蘭氏墓誌銘

前人

夫人諱某樂陵人也晉司徒樂陵公苞後子孫就封因即
家馬扶風舊城猶存鉄市河南故墅尚餘金谷或寓燕陲
仍仕代郡祖行代郡尹父魏司空蘭陵郡公司空佐命魏
朝少傅丞疑周室並爲大族俱蒙賜姓秦晉匹也是曰通
家夫人年十七歸于宇文氏淑令端莊含章貞吉箴盥
禮記 惟儀閨闈已正某年除金郡君某年改授冠軍國夫人
作 四德小君宜其家室三事內主翻辭贊務以保定五年四

月遘疾薨時年四十有四即以某月日歸葬於京北
之某原人世風煙山川超忽陵波青麥儻逢貞女之墳隴
首白楊或表賢姬之墓乃爲銘曰

三星麗天五岳鎮地禮有其秩人居其位燕趙多奇山川
雄氣挺茲令淑惟此含章玉生庭照蘭開室香邢姨褰服
宋子河魴百兩言歸九儀從聘榆狄七彩軒車六命析室
辭親槐庭贊政世爲閩水人成大夢迴帳山門移燈泉洞
金棗長含銀蠶未送香填栢榔路閉松城悲鸞獨影雄劍
孤鳴留連趙琴悽愴秦竿

周大傅鄭國公夫人鄭氏墓誌銘

前人

夫人諱某滎陽開封縣遠里人也七子賦詩是光賓客三

朝從政實靜諸侯驟乘則巫后停輿來朝則漢君識履華

其人諱某榮陽開封縣遠里人也七子賦詩是光賓客三

卿從政實靜諸侯驟乘則晉后停輿來朝則漢君識履華

甯蟬聯無虛史籍祖那秦州別駕父茂伯撫軍將軍涼州

刺史伯陽縣侯夫人令淑早聞芝蘭獨茂既容既德言告

蓄歸悌實溫清恭惟箴禮記太傅弼諧周室股肱攸寄

夫人輔佐君子勤勞是司琴瑟既友條枚無伐故得用之

邦國成之孝敬某年月日封鄭國夫人榆狄既加紘綖是

務夫人疑有安世之貴躬服浣濯子有文伯之尊無忘機

杼表裏惟安閨闈且正醫門有疾藥對無徵天和三年三

月二十日薨葬于長安之石安原世子某兄弟並勗慈訓

咸遵母儀霜露深悲寒泉增慟銘曰

居德圃田當官教府置騎賓來開黌學聚福履家室賢才

踵武棠棣之華螽斯之羽人倫七德風化二南采采芣苢

萋萋葛覃節行聲玉副加笄一作珈簪一作副柳園秉杼桑

津浴蠶春秋超忽零落無一作非時家亡淑女國喪賢姬香

墳未送舞鶴長辭山深月闇風急松悲千年開閉將驗靈

龜

後魏驃騎將軍荊州刺史賀拔夫人元氏墓誌銘

在河之洲聞君子之配德言采其蕨一作薄見夫人之有

禮用之風化人倫厚焉夫人諱安字大羅河南洛陽人也

祖某京兆康或改作王父昭驃驃大將軍開府儀同三司

錄尚書司州牧汝陽郡王跗萼雄圖堦基霸迹公卿之室

新相維國維家夫人能脩法度無思犯禮恭儉節用愛在

大統五年封樂安公主歸于賀拔氏時年十二思慕

相維國維家夫人能脩法度無思祀禮恭儉節用

建賢大統五年封樂安公主歸于賀拔氏時年十三思事
憂勤化成婦德彤管載暉棠棣早茂及乎謳歌有歸榆狄
降等輔佐君子猶安其室周天和元年乃封章武郡君霜
露不居風煙飄忽遘疾累旬奄捐館舍以周天和四年二
月二十六日薨於長安萬年里春秋五十有二詔贈頓丘
國夫人禮也即以其年三月二十日歸葬於咸陽之石安
原既異乘鸞翻然永去雖非舞鶴即掩泉門欲誌佳城乃
為銘曰

逸矣雄謀悠哉霸轍九服潛運三川中竭卿相連鑣賢才

舞疑絕琬琰令淑施衿結綺方之棠棣譬以螽斯既全婦

德還稱母儀遊疑作水滔滔危途冉冉問藥無對丞丹不

卷之五十五

駿狄服空陳絃機虛掩郭門路轉哀挽途窮隴深結霧松

高聚風春蘭秋菊唯始唯終

周大都督陽林伯長孫瑕夫人羅氏墓誌銘

夫人諱某恒州代郡太平縣人祖某父協周大將軍南陽

郡公夫人資於事親躬奉訓誡教於宗室足聞詩禮及乎

言歸肅恭如事蘋藻維敬絃綖是勤內位克諧中閨以睦

年齡不競霜露先侵更延無壽疑之杯遂闕長生之枕以

周天和四年二月八日薨於長安之洪固鄉時年二十有

三其年某月日葬於萬年縣之壽里山非宋國翻為節女

之陵地異荆臺遂有賢妃之墓銘曰

華狼建國靈武開都地接天柱山臨寶符人資義烈世襲

維蔓棠棣早盛既安淑德爰從配命

華俄建國靈武開都地換天柱山臨寶符人咨望我列山龍
繼圖藉覃維萋棠棣早盛既安淑德爰從配命四教於堂
三星克正霜凋桂苑風落芝田三從闕性五福傷年歸安
來絕言告長拍悽切郊野紆迴隰原風慘雲愁松悲露泣
朗月空嗟傷神何及

周儀同松滋公拓跋兢夫人尉遲氏墓誌銘

夫人諱某河南洛陽人也祖父太師柱國公魏室喪亂經
綸夷阻周朝建國匡翊揖讓圖謀帝系即有內外之親分
裂山河仍為舅甥之國夫人容範端莊儀形淑令六義觀
德南風有夫人之詩八卦成形東方有少女之位外傳習
言公宮教業箴盥禮記線纊佩悅蒞蘭年十有二出適儀
同拓跋競衣且翟服既得宗婦之儀乘其魚軒還從列國

卷之九 雜錄

之禮標梅三實無闕其時天桃九華能脩其政某年某月

冊拜迴洛縣君母金明公主魏文帝長女春則帝女採桑

秋則王姬築館夫人出入主家遨遊戚里濯龍園苑長門

宮殿既而膏腴羨疾一作疾華茂傷年沉痾牀帳蒸離寒暑

三世之術無乏一作於醫門百草之本一作於藥性建

德三年五月七日亡春秋三十昔西河女子值九節之葛

蒲東海婦人得三山之芝草無由再遇悲矣如何即以其

年十一月十五日葬於京兆之北陵原龜筮告辰丘陵啓

奠西臨織女之廟南望湘妃之墳嗚呼哀哉乃為銘曰

父曰帝師母曰王姬車服不繫江漢無思是生令淑觀禮

敦詩聲超宋子德茂邢姨繼世盛德思賢克舉奠薦門

備... 頡實姐奉盤如事移茵即序春水浴蠶秋機兼竹

儒儒一作蘋實俎奉盥如事移茵即序春水浴蠶秋機素竹

帝鄉近親帝城近臣濯罷親戚平陽主人金波迴月玉樹

臨春弄玉鳳凰昌容紫草自此千年無人得道舜華榮耀

飄零何早渭水北原平陵故園纔通谷口即望寒門吁嗟

此地去矣歸魂孟冬十月長松九年親賓掩淚悽愴何言

周驃騎大將軍開府儀同三司冠軍伯柴烈李夫

人墓誌銘

夫人諱某隴西狄道人也周有柱史夫子以之猶一作龍

漢有將軍宛城以之輸馬復有西入上書仍為秦國之相

東向開計即是韓王之師父宜使持節大將軍南北二華

州刺史順陽郡公魏武皇帝之長舅也穰侯魏冉居咸陽

之宮曲陽王根借明光之殿語其貴戚差足擬倫論其退

謙彼多慚德夫人幼而聰敏早聞令淑形一作箴管有美賢

才見稱弄其紙筆懼失諸兄之意剪其齧齡二字疑畏傷王

母之心年十有一出適驃騎大將軍開府儀同柴烈烈以

上將頡頏一作胡中台受任軍國忠勤規模繁摠夫人輔佐

君子言容匡贊增曜三星欽明四德授中沃盥有謹於事

姑斷織停機無忘於訓子保定二年用授大夏縣君既以

夫尊又云子貴乃遷順陽改郡君夫人之邑或用鄉名小

君之號多從夫秩典用光臨足稱榮寵本有風氣之疾類

年增動畧多枕卧飛龜之散遣疾無徵畫龍之符留年不

洽以今建德四年三月日薨于館舍春秋四十九即以其

年八月日葬於長安之洪瀆原神光離合尚在河濱

今建德四年三月日薨于館舍春秋四十九
年八月日葬於長安之洪瀆原神光離合尚在河湄
徘徊猶歸樓下嗚呼哀哉乃爲銘曰

上書秦相立功漢將隴水分流秦川遙望秋陸俗勇金行
地壯廣武軍中安平河上妻者齊也謂嫁曰歸三星夜照

首兩朝飛榆狄有典容禮無違台庭等秩一作侯秩一作服

園木子奉母儀夫聞家政七族承和九閨連慶紛悅恭肅

溫清孝敬杼秉秋成蠶隨春令年華未落電影先過徒食

日氣空飲天河星凋玉井月捐金波虞淵落日薤露哀歌

寂寞虛奠荒涼象設幽隴龜封重泉蟻結秋色悽愴松聲

斷絕百年何幾歸於此別

百華同類觀於此

莫美莫京集精妙

天正既乃

萃如

下奉

陳

風

中

立

九百六十三

芳苑英華卷第九百六十四

誌三十

文苑英華卷第九百六十四

誌三十

婦人二

彭城公夫人爾朱氏墓誌一首

東平夫人李氏墓誌一首

李參軍妻張氏墓誌一首

館陶郭公姬薛氏墓誌一首

高明府妻宇文氏墓誌一首

崔王簿妻劉氏墓誌一首

節愨太子妃楊氏墓誌一首

彭城公夫人爾朱氏墓誌銘

夫人爾朱氏河南洛陽人也若夫陰山表裏衝北斗之機

衡瀚海彌綸直西街之畢昇四時銜火燭龍開照地之光

六月搏風大鵬運垂天之翼由是奄有京縣遂荒中土車

書禮樂三王之損益可知將相公侯百代之山河不殞祖

啟隋儀同三司金紫光祿大夫岐同金申信臨徐七州總

管兵集作藩部尚書金集作邊城郡開國公天列尚書之星地

標光祿之塞出身萬里知呂岱之元勳專命一方識劉弘

之重寄父休寂隋左千牛備身朝散大夫齊王府司馬襲

封爵金集作邊城公大夫稱代諸侯胙土淮仙致雨仍攀桂

樹之山楚客臨風更入芙蓉之水夫人玉臺貞氣金河仙

集作靈液蔡中郎之女子早聽色絲謝太傅之閨門先揚麗

則彭城公發源殷伯承家漢相山川氣候彰白武於臯錄

兼緝休徵下蒼龍於曼倩三星照夜佇稽鳴鴈之期七日

則彭城公發源殷伯承家漢相山川氣懷彰白武於皇

象繡休徵下蒼龍於曼倩三星照夜佇稽鳴鴈之期七日

秉秋坐薦飛皇之兆夫人年甫十八遂歸於我巫山南眺

逢暮雨於瑤姬華嶽西臨降明星於玉女動合詩禮言成

軌則晨昏展敬事極於移天蘋藻挈誠義申於中饋女郎

砧石響明月而思秋風織婦集作女機牀聽寒蛩而催絡緯

用曹大家之明訓執宋伯姬之貞節如以心依八覺理會

三空遊智刃於檀林泛仙舟於法海幾神獨照默言象而

無施空有蕪忘束筮蹄而不用人生天地壽非金石銀臺

竊藥想奔月而何年金殿一作玉釜煎香思及魂而無口

以某年月日終于平康集作原里之私第越上元三年十月

二十日合葬于城南之畢原禮也齊侯寢側杜氏階前對

文王之畢原用周公之合葬偃松千古長無寡鶴之悲文
梓百尋還見双鴛之集其銘曰

合葬非古周公所存死生千載棺槨雙魂野曠風急天寒
日昏煙靈杳嶂霧失遙村紀黃絹之碑表對青松之墓門

伯母東平郡夫人李氏墓誌銘

前人

夫人姓李氏隴西狄道人也自涼武昭王以後一門三公

爲四海著族國史家諱詳之矣祖克穎後周大將軍滑州

刺史流江郡公考玄明皇朝上儀同濟三州刺史成紀

縣男出入三朝剖符分竹秦隴河濟之地人到于今稱之

天下士大夫知與不知莫不想望其風承夫人生而純潔

幼而恭敬長而敦睦成而和惠年及初筭甫歸於我執箕

帚奉舅姑人不問於其娣姒妾媵之言閨門之內穆如也

第奉舅姑人不問於其娣姒妾媵之言閨門之內穆如也

故宗黨推其令問鄉閭以爲美談東平公守清白之基逢

太平之日辟命交至聲聞於天制

集作詔

徵尚書卽遷御史

中丞出爲棣曹恒常四州刺史夫人輔佐君子聿修內政

平旦纚笄則有君臣之嚴沃盥饋食則有父子之敬報反

而行則有兄弟之道受期必誠則有朋友之信其婦德也

如此歷職中外聲名籍甚和其琴瑟正其邦家者夫人與

有力焉蓋常喟然而言曰古者卿之內子爲大帶命婦成

祭服社而功可不勗哉可不勗哉由是服澣濯之衣躬

紡績之事宮錡釜之器所以執其勞蘋蘩蕝藻之菜所

以明其德非夫博文達禮貞婉聽從者孰能與於此乎及

公乞骸告老退歸初服夫人年踰耳順視聽不衰每獻歲

發春日南長至群從子弟稱觴上壽者動至數十百集無此字

未嘗不勸一作歡言善誘借以溫顏侃侃焉閭閻焉有孟母

之風焉有敬姜之誨焉維永淳元年秋八月旁死魄寢疾

彌留終於華陰之望仙里享年八十有一冬十一月一日

景辰遷窆於永豐鄉之平原從先兆也東平公撫存懷舊

用痛悼于厥心遠近咸集宗親畢會生榮死哀其此之謂

矣是日也皇太子監守長安烟忝為詹事司直不獲就展

集作喪次陪奉靈輅敢薦李顥之文庶同潘岳之誄嗚呼

哀哉乃為銘曰

高岳之上浮雲翔兮函谷之外真氣揚兮建功比狄討西

兼今受封南鄭家素昌兮於赫祖考為龍光兮牧州

高岳之上浮雲翔兮函谷之外真氣揚兮建功北狄討西
 兼兮受封南鄭家素昌兮於赫祖考為龍光兮牧州鼎郡
 佩銀黃兮降生淑質秉禎祥兮茗華菊茂蘭若芳兮我有
 懿德如珪璋兮求之卜筮鳴鳳凰兮君子至止玉環鏘兮
 室家好合琴瑟張兮執其麻屨供衣裳兮羞其饋食澄酒
 漿兮諸姑伯娣穆溫良兮媵姒叔妹歡未央兮公之出門
 牧守四方兮夫人之化德洋洋兮公之告老返維桑兮閨
 門之內道彌彰兮正月上日南至長兮子孫歡慶各稱觴
 兮宋公集作云孟母魯季姜兮匪怒伊教由舊章兮方期高
 舉登紫房兮誰謂不宜集作冥默掩玄堂兮肅肅松檟鬱成行
 兮沉沉厚夕集作安終不暘兮

袁州叅軍李府君妻張氏墓誌銘

陳子昂

夫人諱某清河郡東武城人

集有也字

昔軒轅錫胤弧矢崇威

畏其神者三百年得其姓者十四族金貂七葉漢天子之

忠臣折足三公晉武皇之名相孤卿玉帛世有其庸曾祖

某北齊太常卿徐兗二州刺史天人之禮位掌於秩宗侯

伯之尊寵優於露冕祖某隋汾陰壽春陽城三縣令襲公

侯之瑞屈銅墨之班士元非百里之才太丘有三台之望

父某唐戶部侍郎復毫建三州刺史尚書北斗始贊於南

宮方岳專城終榮於獨坐夫人即刺史

集作使君

之第若干女

也稟柔成性蘊粹含章承禮訓於公宮

集作庭

習威儀於

則夫其窈窕之秀燕婉

集作婉變又作婉娘

之姿貞節峻於寒松

於溫玉鈿華不御飾環佩之容浣濯是衣勒繡

自作嬪於君子主中饋於家人三千之禮不違九

彩自作嬪於君子主中饋於家人三千之禮不違九十之

儀無慝至乃恭於奉上順於接下仁孝以承宗祀慈惠必

睦閨門則雍雍踰踰必由其道矣嗚呼府君不造遭此閔

凶中年不淑集作早世而殞青松摧折哀斷女蘿之心卅

節集作孤高終守栢舟之誓而府君食先人之德無厚生

之財夫人徇黔婁之貞闕卅臺之產孀居未日一本蓬首

終年處貧素而彌堅保幽芳而不昧始府君之逝有四子

焉少遭罔極之哀未奉過庭之訓夫人保持名教終始禮

經既勗之以義方又申之以遠大皆能率由慈訓克荷家

集作聲箕裘之業載隆燕翼之謀不實非夫淑明賢德集

嘉聖善溫良崇婦道之深規弘母儀之至範孰能昭宣令

問若此集作之盛哉彼蒼不悅殲我眉壽春秋若干載初

元年月日遘疾終于洛州某里之私第嗚呼哀哉夫人令

儀有穆惠問無喧敦雅志于詩書婉婉集作情于琴瑟若

乃姆師酒食之儀女工纂組之繁莫不摠制清衷弘宣懿

則茂蘋繁之雅韻集作叶沼沚之芳猷雖古稱敬姜詩云

淑女論容比德殆無以過穠華不居松楸永閔嗣子某等

悲摧轍揀思結寒泉永惟同穴之儀仰遵歸祔之典以大

周天授三集作年二月日朔祔于集作袁州府君之舊塋

禮也合葬非古奉周公之儀墓而為墳宗仲尼之訓嗚呼

鴛鴦之至弔泣於松楸鼓吹之山緬然於丘隴原陵何代

銘誌無文有哀黃鳥之詩遂勒青鳥之兆銘曰

詩云淑女君子好逑集作非懿哉令德嘉儀幸脩溫容至耿

銘法無文有哀黃鳥之詩遂勒青鳥之兆銘曰

詩云淑女君子好逑集作求非懿哉令德嘉儀聿脩温容玉映

峻節松楸妙心彤史絜志玄猷昭宣壺則惠穆蘋洲共伯

早逝貞姜獨晉莞居蓬首哀深栢舟彼蒼不憇此夜長幽

懷南風之吹棘相集作想北山以同丘青春兮白日獨昭昭

以悠悠

館陶郭公姬薛氏墓誌銘

前人

姬人姓薛氏東明國王金氏之胤也昔金王有愛子別食

於薛因為姓焉世不集無此字與金氏為姻其高魯皆金王貴

臣大人也父承集作求冲有唐高宗時與金仁野本作仙問歸國

帝疇厥庸拜左武衛將軍姬人幼有玉色發於穠華若彩

雲朝升微月宵映也故家人羨之少號仙集作人字子聞羸臺

文苑英華

六

有孔雀鳳凰之事瑤情悅之年十五大將軍薨遂剪髮出

家將川本無學金仙之道而見寶手菩薩觀集作心六年

青蓮不至乃謠曰化雲心兮思淑貞洞寂滅兮不見人瑤

草芳兮思氛氲集作將奈何兮青春遂返初服而歸我郭

公郭公豪蕩而好奇者也雜佩以迎之寶琴集作以友之

其相得如青鳥翡翠之婉變矣華繁絕集作歇樂極哀集

悲來以長壽二年太歲癸巳二月十七日遇疾卒三字集

疾而於通泉縣之官舍嗚呼哀哉郭公恍然猶若未亡也

寶珠以含之錦衾而舉之故園集作途遙言歸未迨留殯

於縣之惠普寺之南園不亡貞也銘曰集作

高丘之白雲兮碩一見之何期哀淑人之未逝滅集作緝

國之春時碩作青鳥長北翼魂魄來兮集作遊故國

園之春時頌作青鳥長北翼魂魄來兮集作歸來遊故國

陳州苑丘縣令高府軍夫人河南宇文氏墓誌銘

前人

夫人諱某河南郡人也昔吾君夏后氏之子霸有幽都皇

運北興昇國肝本作圖南起開寶符而帝天下撫璿璣而主中

國則後周之受命武帝之雲孫夫人四代祖也曾祖其失

周子之封亡山陽之國雖在集作存天子之胤已集作類是咸

陽布衣植德早夭祖某隋朝官資至集無此二字澧州澧陽縣

令父某龍州司法皆承家席寵世有令名夫人賁穠華襲

繁祉崇徽蕙穆秀色苔榮自于幼年有令儀也十四適于

高府君夫其温慈惠和忠信蕭穆集作信行有法度動有

禮經嚴恪以理家人集作憇以和君子則以集作含乎

光大矣若乃宗廟哀敬仁孝也娣姒祗和謙順也蠲潔酒

食婦儀也黼黻玄黃女工也弘此四德而務六親肇悅以

文之雜佩以發之荷可以作範母儀昭宣壺則矣至於訓

子以睦教女以順愛下以慈與人以讓外以贊府君之德

內以光中饋之政皆日聞其進不見其退也嗚呼仁而不

壽生而集作求終末淳元年某月遇疾終於集作苑丘縣

之官舍時年二十七嗚呼哀哉高府君尋以公集無事罷

職山瑩未卜旌旄來歸府君思北海之魂留東園而殯目

月遂徂九歲于茲府君乃集作崇樹先塋增封舊域以大

集無周天授三集作年太歲辛卯二月癸卯啓殯于集作

東園遷祔於洛州禁原禮也哀哉夫人雅有高行終而不

怠以為厚葬非禮也是以珠玉不飾塋瓦是藏高府君事

遵其志率以薄葬於戲非古之明德淑女金玉其光孰可

集無此字以躋之吾忝門閭之賓觀其家道矣雍穆懿鑠實有

清風故叙之而未克德也銘曰

夭夭桃李有花兮灼灼淑人宜家兮修睦婦道不譁兮窈

窕嬪儀孔嘉兮何榮采之方茂兮而云落兮吁嗟集作而云亡兮

嗟

司屬主簿博陵崔訥妻劉氏墓誌銘

張說

夫人劉氏其先彭城人也隋毗陵郡通守字集無此字予將之

魯孫唐滁州刺史德祖之孫汾陽集作州刺史延嗣之女子

集作昔武子處秦厥初命集作氏元王國楚是馬昌族盛

德之門龍驥接彩世祿之胃龜虎聯華夫人璇室載蘭蕙

林層秀喈喈黃鳥豔豔清月集作明詩說禮集作聞禮竊比

諸生茂行淵心實稱士母集作及鳳飛啓繇夫婦盡琴瑟

之和鷄鳴咸纏舅姑移橋集作梓之敬友愛洽乎妯娌任

恤周乎姻戚豈惟禮備澄器工深機杼固以能循法度宜

其室家矣年若干以大定元年七月某日寢寐集作而卒

粵二十九日某辰假葬於某里夫國喪賢嬪家亡淑媛母

氏垂白殞集作奮所懷稚子始孩剪集作馬無恃集作嗚

呼天道輔仁人道與順眷茲七德不遐三壽何哉報應之

神食所集作言脩短之期將事歸於命外姻畢萃

夫人即吾姨也今薄撰素履未刊幽石圖史

歎不足夫人即吾姨也今薄譔素履未刊幽石圖史之外
有美存焉其銘曰

崔實齊曹劉亦漢宗崇其顯媿望乃偶

集作偶族

雙闐闐是穆

饋莫斯恭貞歌浮漢孝室潤

集作洞

江珪璋其節桃李其容

宜享偕老胡寧鞠凶朝禳飛陌春蘿墜松夫傷子慕去此

何從百歲之後魂兮合封

節愍太子妃楊氏墓誌

前人

開元十有七

集作五

年二月癸未中宗節愍太子妃楊氏薨

於京師太平里第之內寢越五月景申詔葬於新豐之細

柳原黃陵不從古之道也嗚呼哀哉妃氏之先代居河華

赤泉啓國清白傳家東都之公胄西晉之後族高祖士達

隋開府納言天授中以孝明高后集作氏非之父追封鄭王贈

大尉曾祖緘隋符璽郎抗節王充朝廷旌載集作聖朝旌義贈靈

州刺史祖全節左內率贈魏州刺史考知慶千牛豹韜三

將軍若夫軒冕王官同許史之繁漢婚姻帝室比姜姑之

宜周是故二華降靈五河飛譽拜玉冊於文廟儷金璽於

青宮入叅視膳之儀出友元真之樂禮陪璽館祭服始於

北郊詩贊鷦巢王化終於南國豈知言集作諫遠闢水神徃

邛集作即山七日之望不歸千秋之言何及於是視身知若

幽探白馬之偁覺心等空坐證青蓮之葉久以橋集作喬木

無怙栢舟早誓棣華集作萼先落聖善相依闔門正家稱求

亡而全禮高堂終養不勝哀而遂絕此又禮外之禮孝

也

七子而全禮高堂終養不勝哀而遂絕此又禮外之禮也

之孝者也初上在東宮時妃有女弟選為良媛生忠王

著曰不宜養爰自襁褓命妃舉字集作及開元正位良媛

為嬪而卒妃之視忠王也隱憫之訓誨之竭從母之仁慈

倍猶子之珍愛忠王之託妃也敬愛焉聽順焉生盡因心

之樂沒過如母之感且夫慈懋鞠育孝思顧復仁叶恩親

慶備恭睦成天下之百行致生人之五福斯蓋皇極之端

國風之首者矣湖陽王當小宗之祭集無此元妃之喪故

喪挾兩集作孤而祭殷二國何必鼓吹山上遙傳慈母之

名石闕廟中獨立少姨之像史官承詔勒銘沉碧詞曰

太華北足長河東肘搃粹陰靈妃德儲后鳴美玉佩燭光

金鈕貴嬪長姨寵王從母末訣上賓死孝哀親顧懷孺子

卷之六十五


十

忍別天人昔貞萬國今撫白神泉燈我夜宮樹他春陵集作

陸非麥秀兮漸漸隴月生兮織織霸岸集作去兮無還日青玄灞

門絕兮不集作可瞻石獸澁集作兮綠苔黏宿草殘兮白

露霑園寢閉兮脂粉膩不知何人兮開鏡奩



文苑英華卷第九百六十四

文苑英華卷第九百六十五

誌三十一

婦人三

榮陽鄭夫人墓誌一首

燕郡夫人李氏墓誌一首

上邳縣君李氏墓誌一首

鄧國夫人墓誌一首

李氏張夫人墓誌一首

張氏女墓誌一首

涼王妃張氏墓誌一首

贈婕妤董氏墓誌一首

榮陽夫人鄭氏墓誌銘

張說

夫人諱某字某榮陽開封鄭氏之女也

集無也字

有唐銀青光

祿大夫行少詹事博陵侯

集作日博陵

崔氏之妻中大夫中書

舍人湜之母也高祖述祖

集無祖字

北齊吏部尚書太子太保

榮陽平

集無平字

簡公曾祖武叔北齊洛州刺史中牟公祖道

援

集作授

隋宋城令父世基故吉陽令故左僕射安吉公杜

淹太夫人之外王父也夫人家世德門母氏擗胄衣冠禮

樂耳目所徵號之諸生實為女士先夫人以崔出泰

集作太

岳之胤鄭祖周王之穆長源修麓北濬聯宗

集作崇

故夫人

年十有七歸于我氏盡敬愛以安舅姑致友穆集作睦以

諧娣姒

集作娣姒

性寬恕尚素雅文而不奢約而不陋故邑號

光啓象服是宜博陵侯更事兩朝多歷官序居必大理去

有遺愛雖蠹衣善聽得非雞鳴之節乎舍人及三第長安

尉泌藍田尉液左千牛除咸有當代之名立

集作主

無過之

地滋液德教

集作教訓

琢磨恒範雖趨庭善稟得非闡

集作闡是門

之誦乎夫樂得好迷關睢義也鞠成衆子鴈鳩仁也采蘋

采藻脩禮度也如山如河有德容也婦禮既成內則用貞

母儀乃行家道以寧於是春秋高矣雅好真諦厭敦禪味

減撤珍華被服慈衣捐斥集作文綉摠斯群懿式是六姻

故以嗣徽先姑垂裕來史詩所謂邦之媛也夫人有焉皇

天難忱不享偕老年六十四神龍元年十一月九日遘疾

終於洛陽之遵化里其明年二集作三月某日葬於富平縣

之某原君侯傷神諸子銜恤寘銘幽窆用存終古其詞曰

凍惟詹府西望綸闈吾夫鵲隣吾子鶴飛青綬赤第魚軒

翟衣橋梓灌墓堂堂榮輝如何不淑奄求泉扉漠漠玄夜

容容白日百歲之後同乎此室

右豹韜衛大將軍贈益州大都督汝陽公獨孤公

燕郡夫人李氏墓誌銘 前人

夫人諱某字某故代州東治府右男毅都尉幽州高士李

感之女也本姓張居於清河郡大父玄哲集作誓非官至安東

大都護長史與太宗有故賜姓李氏仕歷檀州司馬始家

薊城是則帝寵舊臣乃命王族官平胡野因為郡人備哉

孝友清白之仁基金鈞石印之靈慶集作必將光大別族

集作業繁衍淑女彩黛粉敷焜燿華暉若斯之盛也夫人幼

而韶異長而婉穆金聲玉澤舜榮蘭茂傳賢莊姜詩美仲

氏無以尚也初汝陽公夫人元氏生一男四女而卒繼室

以夫人封諸燕郡王元生集無生字立及長孫楊氏二女秉

淑夫人封贈燕郡王元生集無立及長孫楊氏二女

斯宜爾之德著鴈鳩均養之仁色無偏和心無殊厚闔庭

之內邕邕如也雖邑中五服之家門下三年集作千之客莫

能察其異焉永寧里先人之舊廬也有通渠轉池巨石嶽

嶮噴險集作陰淙澗洄潭沈沈殊聲異狀而為形勝遊衍之

處者十四五前夫人之孫蘇氏之婦弱集有冠字非歲嬉而墮

焉舉家環流憚莫能救夫人投身赴水或沉或浮久之提

挈僅免其行已也實多此類府君更郎將中郎將各一將

軍大軍將凡四前後領左右羽林二軍禁營青海鴨綠二

道總管天子元老白首兵欄腹心爪牙朝無與二外受調

戈文馬之賞集作資內委金璣寶具集作玉之飾將軍旣頒於

部曲夫人亦散於宗姻可謂貴而好禮富而能惠者已及

淑夫人封贈燕郡王元生

君子晨歌夫人晝哭喪有過戚集作感慕制無越禮其後法吏

苛禮集作濫余子遠遷窮荒一訣倚閭集作門三歲炎山瘴海

曷云其來施珍玩以奉佛徹滋味以奉道精意入冥明神

與直中興昌曆無廢舊勲先公茂乎飭終愛子榮乎起滯

天步方泰家屯適夷宜享南山之壽奄頓西泉之駕神龍

元年十二月二十二日寢疾終於洛陽之德懋里春秋若

下國墜邦媛宗集作家傾母儀孤胤孝孫哀哀欒棘有詔旨

曰獨孤某妻亡還京日宜給靈輿并遞悼舊褒德集作功矜

孤恤喪朝之人經者粵以明年十一月二十日卜葬於集作無

於雍州之某原不從先塋古之道也夫計功伐勒鼎彝非

婦人之事撰德行存國史亦孝子之志乃為銘曰

光如葉莫莫如華皇皇宜啟燕都作會

婦人之事撰德行存國史入亦孝子之志乃為銘曰

嶺嶺昌兮月出之光如葉莫莫如華皇皇宜啓燕郡作會

汝陽尊之象服錦衣褰裳以慈行訓曰仁之綱以命易難

圖義之方婦有柔德亦惟其常女之士行于何是集作不臧

彼天蒼蒼胡降百殃捨我媚子捐其高堂丘隴芒芒集作芒芒

風生白楊象物皆盡德音不忘

上邳縣君李氏墓誌

前人集無

夫人太祖景皇帝之玄孫西平郡一作原王普定之女也賦

靈陰德資性柔嘉事舅姑盡其敬與娣姒致其睦茂行玄

乎內則懿聲溢於外姻雖王家長自傳保而能謙光庶類

降心細物手成朝祭之服躬揀酒食之品凡婦人之所能

事而夫人莫不備焉府君朱紱之歲也於是乎始受封邑

象服盈門魚軒在路姬氏王者之後夫人帝室之親夫貴
婦榮於斯爲盛及帷堂而哭有敬姜之禮擇隣而處有孟
母之教入閭侯信有諸婦之期出言成章有衆女之誠受
命不淑以某年月日卒於同州之私第以神龍元年十一
月二十日合葬於萬年縣白鹿之舊塋有子孫殿中侍御
史檢身承家揚名爲孝思我母氏感秦伯之詩祈於府君
取周公之禮髣髴心迹志之幽石其銘曰

茫茫萬姓朝宗于李婺星分極感池派水后稷裔孫神貽
女士動遵法度居觀圖史輔佐哲夫訓成賢子宜崇徽號
以享介祉高堂奄空霜露路方始儉用禮節葬非奢美鏡下
夢臺表緘泉笥壙煙不一作散松風長起摘果人迷侵林

歎死永言惟孝事親終矣

鄧國夫人墓誌銘

前人

詩美莊姜傳稱孟母庶姬綿邈千載時有荷嗟邦媛柔明

置原龜玉毀橫膏蘭夭壽遠矣皇祖肇自宗伯靈基在晉

華胄陵江尹茲西楚宅是南邦高蓋結轍圓冠比蹤魏館

虛待周京長發父對雄風母膺姊

集作

月珠浦瀆

集作

潤

玉林清越昆弟三人羽儀雙闕家芳

集作

淑女國茂賢妃

具瞻四德旁通八微步幃馳辨連環定機調絃魚躍弄杼

駕飛媧后

集作

創業軒宮多事高行登聞大家入侍幽贊

日月財成天地温室不傳平城盡秘大君命我變禮斷恩

衛妻空誓息媯

集作

無言均養七子劬勞二門始賦膠木

終歌采繁多難啓聖群凶構孽明

集作明

家作仇脅權相滅

臨禍不懼忘生蹈節彼何人斯碎此貞烈氣消日朗既安

且平皇心震悼禮備哀榮啓國加等復土陳兵外姻來唁

中使臨塋恭惟夫人宿精知

集作智

又昭昭開士授之心印

古無合葬遺言別墳樂樂孝子敢廢前聞服不珍繡盤無

膩薰室暗泉火松殘隴

集作壠

雲袖合大化誰爲小君

李氏張夫人墓誌

前人

臨淄李伯魚妻者范陽張氏女諱德性孝悌柔婉能日誦

數千言習禮明詩達音妙績

集作績

德言容工蓋出人也伯

魚天下善爲文擢校書郎出爲善州司功而卒夫人寡居

無子以歸宗焉長安二年四十八頃逝於康俗里殯於

乘通門外景龍三年家夜居貧季弟君集作鬻詞取給

十月安曆伯姊於萬安山陽蒼梧不從古之制也北望先

隴集作西接抹集作丘明靈其嘉永安此室銜哀叙誌鳴

呼孔懷銘曰

送送集作伯姊萬安之墳精靈何處為雨為雲彼臨淄兮

千里望倏忽兮夫君

張氏女墓誌

前人

女郎名琰姓張氏洪洞丞府君之少女也聰慧孝友蓀條

鬚哲集作能讀史書善奏絲桐舉族稱集無珍之未集無

成人而天命也聖曆中隨仲昆集有任殞拆集無於慶州

歸殯於藍田別業景龍年屬家艱季兄君集作徵黃門侍

郎哀請不拜詔許終服家貧備文以取資

集作

冬十月獲

改集無葬女第於萬安山陽差池姊瑩顧瞻尊闕不亡孝

弟慰爾幽魂含酸屬銘投筆氣索辭集作曰

陟彼京兮痛同生兮奈何朝露在薨榮兮共天地之大德

焉早落而無成兮

涼王妃張氏墓誌銘

常衮

古之賢妃四德六行則在女史彤管記言納聘入於天宮

儀刑光於帝閭休有懿範歿而可稱涼王妃張氏族茂清

河之原家承七葉之盛紱冕繼代勲華襲閔曾祖守貞皇

朝遊騎將軍左衛中郎將羅國公食實封三百戶職維戴

鸞績茂分茅祖光庭皇朝中散大夫衛尉少集無卿位正

八屯榮參九列父安仁皇朝正議大夫涇王府長史

上邸託乘西園俱傳帶礪之封克承閥閱之後妃早習詩

禮式遵教義令德令儀有要有倫既當八月之期允叶良

家之選天寶八載納為涼王妃懿範集作德徽音韶妍婉順

恭勤朱邸儼恪丹霄友其琴瑟奉以家室瞻鴈池之閔水

嗟駟隙之末光以廣德二年五月十三日終于上都之內

郵春秋三十七旋以其年十月六日遷窆於某原禮也涼

王倚歎蘭臺傷神桂苑梧桐半落鸞鳳孤飛未逝不追嗒

然增歎詔葬備禮哀榮飾終笳簫在辰旒旂啓路嗣子保

定郡王仕攀號孺慕惟切蓼莪誌于幽泉銘以貞石慮佳

城之白日識隴樹之青松銘曰

清河之邑兮地惟古其毓粹華宗兮賢妃誕載柔順內積
言容外彰謀茲淑德輔佐賢王芳年忽馳大暮何速積善
虛應兮時長運促空餘懿範兮刻在貞玉

贈婕妤董氏墓誌銘

前人

維唐至德元年歲在癸卯十二月二日美人河內董氏終
于閩鄉縣之別館春秋一十有八嗚呼哀哉美人蘭質幽
閑茗華婉麗出自漢臯之曲降於巫峽之楊柳絮題詩椒
花獻頌德行日集作成于天性藝能豈假於師資既彰絕
代之姿雅叶良家之選嗟臺入日集作寵金屋流芳映月魄
而方娥上星樓而比葵恩多不恃顧重無矜讓以同車恭
而避履紫庭著美彤管旌賢屬綵仗巡遊花鈿侍從方軌

中於上陌忽蒙被於離宮天道如何泉扃已矣聖上
愍愍言念恩情悲遽夭於先春歎長歸於永夜追加
班女之秩式慰衛兒之魂以某年月日葬於某原禮也
乃命侍臣紀於貞石銘曰

二九之年麗容嫣然春風轉蕙秋水開蓮浣紗選貌
納袂求賢承恩玉殿侍宴瓊筵光陰不借神道何徧
椒房愛促蒿里悲纏婕妤寵贈女史芳傳丹鳳城外
黑龍水邊嗚呼此地永閉神仙

文苑英華卷第九百六十六

墓誌三十五

婦人四

獨孤公夫人常氏墓誌一首

權秘監夫人李氏墓誌一首

李監察夫人蕭氏墓誌一首

崔縣丞夫人原氏墓誌一首

李參軍夫人獨孤氏墓誌一首

裴明府夫人閻氏墓誌一首

李縣丞夫人梁氏墓誌一首

嗣曹王太妃鄭氏墓誌一首

殤子常八墓誌一首

前左驍衛兵曹參軍河南獨孤公故夫人京兆蕭

氏基誌

獨孤及

夫人諱某字某楚王交傳孟裔孫唐許州司馬皎曾孫渭

南縣主簿愨

唐世系表同本集作愨

之孫兗州金鄉縣尉商伯季女

秘書省著作郎備睦州刺史儼之妹

以世系表添正

其先自彭城

郡徙京兆從丞相賢後九世至本州大中正穆始有東西

眷之號二十五世至徵士夔居魏周二代出不降志處不

適

集作隨

俗時人號為逍遙公夫人之七世祖也逍遙公生

民部尚書建安公世恭

表作確字世恭

建安生士大將軍宋州刺

史仁

表作仁乃仁基之子仁基乃世恭之弟

將軍生給事中旅即為許州之

補也夫以四言之遺直一經之餘烈一徵之高風焯於今

其秉哲垂懿百代不頹地之華初至之崇與春秋之唐

宜其秉哲垂懿百代不殞地之華功垂之崇與春秋之唐

杜范氏漢晉之表揚王謝侔其熾大矣哉二集作非十八葉

之明德茂祉降衷于夫人故孝慈貞儉溫惠淑慎文敏好

禮三者皆天機生知不待師訓而至廣德二年夏六月歸

于我衣服飲食躬自菲薄夙夜戒敬致孝于苻萊接娣姒

以謙馭幼賤以敬敦善勸義恕不知而矜不能喜怒未嘗

形集作見於容止也其德禮所化宗族以睦兒童知讓生一

子四歲而夭大曆四年夏六月癸丑再孕不育乙卯歿于

舒城春秋若干人至集作仁厚而不福德備而不壽是夫不惠

于我家也向使錫厥永年正家承筐宜爾子孫百福是享

非夫人曷歸啓手足之日長幼號咷內外親姻四字集作外姻內姻

親 皆行哭失聲也 宜哉是歲九月甲申以綦袞裳帷遷于

洛陽十一月丁巳

集作酉非

安宅兆於

集作于

舅姑先塋之西南

隅恐時逝事遷景行不貽於後故刊石以志卒葬且謹而

日之

著作郎贈秘書少監權公夫人李氏墓誌

梁肅

成紀李氏自涼武昭王以後後裔熾大在元魏有若司空

文穆公冲冲生司徒高陽公休績諸父兄各登三司崇勳

盛烈載在前史夫人司空之後也曾祖允義皇朝慶州刺

史大父仲進宣州司士參軍考備兗州司倉夫懸

集作女

圖

是生與璠德懿盛族

集作德門懿族

宜有賢淑二椽葆儒行

不辭貴仕故儲慶發和鍾于夫人夫人幼而孝恭長而

不躋貴仕故儲慶發和鍾于夫人夫人幼而孝恭長而
明歸于他室克協休德所奉之主則著作郎天水權公其
人公大節大名達于家邦人倫仰爲師表夫人明識茂行
光于閨門姻族資其訓式有子德輿七歲而孤夫人茹未
亡之哀躬徙宅之教故德輿也十五文章知名二十典秘
書貞元二年以廷評尉攝監察御史爲江西從事夫人從
子南征寓于鍾陵其樂以道其養以祿一慈一孝宜壽宜
福天實不弔享年若干以四年秋七月某辰寢疾而終德
輿窮慕崩迫忍哀問卜號奉輜綖至于舟徙以來歲某月
日權合附于先君假葬之域嗚呼有行可尊有禮可法始
輔君子終垂母儀而不登上壽不介不繁集作祉斯命也已

篆石紀德謂為墓誌近古之禮也胡可闕諸其銘曰

武昭之胄立德立功且侯且公文穆之後昭明有融繼別

為宗抑抑夫人餘慶是藜溫良在躬歸我祕書體仁協衷

集作盛德攸同乃訓孟子擇乎中庸休有先一作風豈命

有極豈天不傭降此鞠凶假窆何所惟栢集作惟桐于江

之東棘人充充式號且恫哀思無窮

監察御史李君夫人蘭陵蕭氏墓誌銘 前人

夫人諱某字某南蘭陵人梁世宗明皇帝生南海王珣自

南海三葉至有唐太子太師其太師生中書侍郎某以文

武之勳左右帝室世祚徐國疊集作耀一作台階蓋夫人之大

伯父也父中書之弟駙馬都尉太僕卿諱衡踐脩舊德尚

公生實生夫人玄宗其外夫父也宣集無宣皇

恭邑公主實生夫人玄宗其外大父也宣

集無宣字非

皇正

也天漢派流地靈騰茂蘊為和氣鍾我淑德既笄歸于公

族李氏曰鏗鏗官至監察御史以茂行聞於時上奉繼親

旁羅群族夫人內貞明而外柔順至於色養義充於輔佐

仁見於周睦至乃冠婚賓祭之式組紉黼黻之事莫不能

儀刑邦教律

集作法

度姻戚洎御史捐館夫人罷執笄

疑作笄

之事訓道三女以禮自居二十年間母儀愈

集作益

光內則

愈彰知我者方紀美行貽諸彤史天不與善享年四十八

而終時建中元年九

集作四

月三日也幼夫人無子晝哭之

後歸于其宗仲弟御史中丞復孝愛之德聞於天下出守

三州皆從而居焉是歲中丞由潭州遷左馮翊會夫人幼

女從夫有江華之貶亦將欲沿三湘展母子之歡途次于

晉陵遭疾而沒俄兵興不克反葬馮翊次子某以來歲某

月日奉其姑之喪權窆于某鄉原嗚呼仁宜有壽善宜有

後以夫人之賢且先代之胤與王室之出而亦集作事並

戾豈命也歟予集作忝遊馮翊之門也久見命為誌其銘

曰

昔在帝祖承天命紀維皇歸妹光耀載起太師之孫魯元

之子誕受休氣實為女士共伯既沒歌姜道存訓成內則

耀集作動高門積德所因其禮宜蕃碩人無子天遵寧論

將涉三湘奄歸九原生惟集作共盡有恨何言

鄭州原武縣丞崔君夫人源氏墓誌銘 前人

夫人諱某字某河南洛陽人也昔涼武王烏狐景王

鄭州原武縣之崔君夫人源氏墓誌銘 前八

夫人諱某字某河南洛陽人也昔涼武王烏孤景王儼

繼為傑霸據河右景王生魏大尉隴西宣王賀賀生司徒

惠王恭或以文武集作或文或武藩翰王室以拓拔同源因錫姓

焉夫人其後也曾祖翁皇朝尚書北部郎中祖脩業涇州

刺史父老集作光時濟陰太守夫人濟陰第幾女既笄歸于

原武丞博陵崔君某以德敏貞儉宣慈惠和集作溫輔佐君

子而成家風原武之伯父冲嘗為刑部郎中每謂夫人淑

哲之美可師表姻族洎原武疾病顧視諸子尚藐慮歸祔

不獲以屬夫人夫人默而省焉晝哭之後躬履草莽成反

葬之禮禮無違者聞見集作者難之既免喪始游息道門受

心法於大照禪師請益之際朗然懸解大照没又事弘正

禪師入定

集作文

性離天機獨得喜怒哀樂無自入焉宴坐

之外以敬姜之風操班氏之詩禮貽訓親族閨門之內盛

烈流美禪林高妙受用不極

二十字集作貽訓諸姑故親族目之曰閨門盛烈道流美

之曰禪林高趣妙用不極

委和歸真享年若干大曆甲辰歲十一月十

三日寢疾捐館嗣子某乙等泣血襄事以來歲某月日權

窆于某原仲子左

集作佐

車純孝而文懼聖善之德不著後

嗣遂假我為誌銘曰

烈烈雄閥降茲淑哲惟夫人兮郁郁母儀中外肅祗耀閨

門兮以道自光我性則常奄歸貞兮孝乎維嗣其哀也至

刻斯文兮

衢州司士叅軍李君夫人河南獨孤氏墓誌

前人

夫人姓獨孤氏六世祖永業北齊司徒臨川郡王自臨川
 五葉至贈祕書監府君諱某門風世德家諫詳矣夫人秘
 書之第某女生而純孝容範淑茂成于德門歸于公族李
 氏曰濤故楚州刺史仲康之子今御史大夫丞之從兄也
 少有敏才故秘書府君以夫人歸之恪勤婦禮以正家節
 門內之治絜柔明是賴乾元初李君參掾信安遂終于位
 夫人罷助祭之事專以禮詩之學訓成諸孤議者以魯敬
 姜辛憲英為比晚歲以禪自適謂般若之經空惠之筌恃
 持集作而為師去諸結縛猶違土也享年五十三大曆十一
 年某月日寢疾終于常州遂權窆于建安集作精舍之側

明年某月日卜筮襲于吉始遷兆合祔于洛陽某之先塋
嗣子前越州士曹參軍居介南陵尉居佐譙縣尉居敬孝
廉居易等痛聖善之德不可追也俾肅爲誌其銘曰

溫溫夫人貞順而慈始爲婦儀終爲母師仰成法寶頽脫
塵機身世兩遺乘化而歸合祔伊何周原舊域哀哀令嗣
孝思罔極作銘片石以誌窀穸

杭州臨安縣令裴君夫人常山閻氏墓誌

前人

夫人姓閻氏皇朝考功郎懿道之孫銀青光祿大夫尚書
刑部侍郎伯璵之女河東薛氏之出前廷尉評領臨安令
裴深之室也春秋若干以大曆乙卯歲五月寢疾卒于晉

陳之私第來年八月日窆于其原不獲吉卜

陵之私第來年月日窆于其原不獲吉卜集作兆未祔于墓

姑禮從宜也先期臨安以夫人之德善俾予銘其墓故得

而譔云夫人貞順惠和恭明孝慈自天受也樂善睦親儉

而好禮承家訓也循集作修采蘋之度以助祭祀待婦道也

四教行九族和秉內則也夫人有是淳懿故自致禮至于

捐館小大無間言中外無異望郁郁詵詵一家興仁俟絕

之際請辭其太夫人又辭其娣姒已而顧所生之四女曰

母子之愛今也永絕夫中饋不可以無主吾已請而集作爾

父娶繼室矣其來也汝謹事之無貽我神羞辭氣不惑言

畢遂歿夫號母慟諸女孺慕聞一哀者行路集作人出涕存

歿之事其感人深矣哀哉乃為銘曰

穰矣葬華茂蘊質兮配此良士如琴瑟兮嚴霜墮零曷其
疾兮于嗟碩人歸此室兮

德州安得縣丞李君夫人梁氏墓誌

前人

夫人安定梁氏族高祖華陽襄公諱彥先

集作光

生周隋際

歷上大將軍開府儀同三司使持節青冀華相等九州刺

史貞惠文敏為兩朝名臣生曾祖永安成公文讚在隋為

司隸刺史司隸生皇朝龍興令冀州長史晏晏生朝散大

夫堯山令澄夫人堯山之第二女惠和

集作生知

孝慈幼有令

儀長而溫良成而柔明年若干嫁趙郡李兼金生四子而

兼金卒夫人內持正性外示德禮且以文行忠信貽訓諸

子以和每言曰敬姜大家吾師也既晚歲修釋氏法

以禪誦為事視身世榮枯與夢幻同因命第四子為沙門

以禪誦爲事視身世榮枯與夢幻同因命第四子爲沙門
廟以清淨行旣而壽量極享年七十二歲在乙卯七月乙
未終于常州建安佛寺集作精舍後五日窆于某原孝子誄等
銜痛泣血哀過乎禮懼先夫人德善不聞將誌幽窆以肅
外族之屬也俾爲斯文銘曰

伊夫人煥母德道可尊禮不忒訓令子就儒釋沒集作滅而
藏焉求無隙人欲我知視此石

嗣曹王故太妃鄭氏墓誌銘 穆員

大唐貞元景寅歲秋七月巳酉荆南節度觀察使戶部尚
書御史大夫江陵尹嗣曹王臯奉先太妃滎陽鄭氏之喪
歸于先生贈尚書左僕射諱職之居實洛陽邙山之原先

是皇帝使中謁者詔東京有司備鹵簿鼓吹泊祖載儀衛之物且監視之事之前日嗣王有虞乎山壤一作墳泉隧不

常陵穴廼以百世之後貽厥來者之義屬于小生太妃諱仲字正和恒州司兵文恪之孫郴州司戶休瘖之子鄭之於百族也如群嶽之聳衆山焉溢于世間事不待紀太妃以禮之節爲質以樂之和爲牲以詩之鵲巢采蘩小星殷雷易之坤蠱家人爲德小大由之且以其餘施之於外夫是以賢子是以貴以利于家邦年十有四歸於公族又十四歲而死嗣王卽世王屋天壇之下有別墅焉太妃諱令之嗣王與女子子泊夫族之叔妹未冠笄者與本族相喪之遺無苦者合而家之居無一生資勤儉自力仁以恤智以

圖使夫饑待我粒寒待我纊

一作纊

婚姻宦學蒸嘗之禮

我以時嗣王年甫及笄其所以導成慈訓者則以父嚴師

教之道兼而濟之于時天下晏然而事有將亂之兆太妃

念嗣王之壯必及經綸不患不貞患不更踐

一作賤

不患不

聞先王之訓患不知下人之生卒以仲尼鄙事爲教及其

長也見其爲龔黃見其爲方召享其孝敬勲榮祿位三者

日躋之報焉嗚呼月望而虧天之道也以建中三年冬十

月九日遘疾薨于潭州官舍之寢壽七十有二嗣王奉喪

歸葬達于南荆國難方興天下否塞朝廷何宗周維城之

固加於郡帥一等乃用魯公伯禽有爲之變俾復其位且

使卽其次而寔焉嗣王銜恤奉詔以戰克以攻拔統江西

援江陵其事甚也如生平之養其哀號也執于戈者悲之
今茲龜筮叶謀優詔惟允議者或曰東南之鎮荊州爲大
降寇僅滅多虞未忘遺羊杜之重徇魯閔之節越三千里
執喪釋位謂安危何員以爲嗣王之於朝廷也曩竭之以
忠朝廷之於嗣王也今遂之以孝君臣家國之際於是乎
古無以踰况其奉先之志不可以奪臨下之政必可以保
且用崇厥孝理始于本枝使爲子者悅事君者勸以感人
心以順天下不然何卒英帛贈天王之錫命視于同盟有
加等焉初湖南部將有王國良者嘗危疑負固歷年不下
嗣王爲師恭太妃之教以子召之國良捧檄如歸撫之以
信其後入衛中禁錫名維和乃曰爾來之生今日之寵

德之德也哀請赴奠上嘉而許之其執禮致慕視於

極之德也哀請赴奠上嘉而許之其執禮致慕視於昔由
是以係之于篇銘曰

抑抑母儀稟訓德門來殯王族慶集宗臣如彼崇山應時

出雲霏然作雨澤潤生人裕我之蠶啓茲寵勛匡載疑作

中興為唐晉文宜爾百祿享茲萬春運奪其養一作運天

胡匪仁清洛之陽脩邨之阜我歸我居我徒我友維邨與

洛將安宅之相夕

殤子常八墓誌

此篇係男子口移入九百六十二卷今存其目

獨孤及

<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>
------------	------------	------------	------------	------------	------------	------------	------------	------------	------------	------------



文苑英華卷第九百六十七

文苑英華卷第九百六十七

誌三十三

婦人五

穆祕監夫人裴氏玄堂誌一首

崔少尹夫人盧氏墓誌一首

崔太常長女墓誌一首

王妣夫人楊氏墓誌一首

獨孤氏亡女墓誌一首

崔相國夫人柳氏墓誌一首

張司空夫人谷氏墓誌一首

權贊府夫人張氏墓誌一首

秘書監穆公夫人

一作河東郡太夫人

裴氏玄堂誌

穆員

員不夭不死先公棄背追先王制禮免喪五月太夫人河
東郡太夫人以貞元十三年六月二十四日違養又不孝
不滅以及龜筮遠期十月二十一日孤子贊洎質員賞奉
遷靈座自東都歸義里私第正寢歸于偃師首陽山北原
先公之居第三子員伏念常稟慈訓撰述前誌當時實聞
不忍聞之命俾繼斯文不敢不茹血吐迷粗舉大畧裴氏
自漢魏以還蓋爲天下著姓外族之於本宗也若泉有源
山有峯披圖按牒可明徵矣五代祖諱鴻琳嗣易郡太守
高祖諱客兒隋長平丞曾祖諱文行皇朝并州石芝縣丞
祖諱玄度絳州絳縣令父諱翽魏州朝城縣令世以懿德

令名清風和氣昭穆授受宜于家邦太夫人則朝城府君

令名清風和氣昭穆授受宜于家邦太夫人則朝城府若
之季女也淳仁如天博厚如地精識如神中節如時少喪
情恃長於季母諸姑以孝友誠明俾見懿慈有天性之答
所至家政輒聞我於未成人之年洎有行君子作配盛德
移內則之美盡家人之義居上齊下視人以身主祭祀以
心為馨香事賓客以手集中饋先公厄於未濟困於屢空
太夫人以樂道為貴肥家為富先公初仕河朔蹈難平原
太夫人以勤儉成清白誠義佐名節先公出入崇貴間逢
遷黜太夫人居常以天不假易自驚疑作處否以秦道自
安先公直道高義不容於時剝落當年優遊晚暮太夫人
始則以不磷不緇何憂何懼為箴弦焉中則以不容何病

然後見君子爲墳麓焉終則以施於有政是亦爲政爲琴
瑟焉先公孝以立家仁以合族太夫人輔佐之德達於神
明貞伯姑元夫人高明純至不幸早孀太夫人就養于堂
服勤以力視色先意主於無違伯姑嘗顧小子同氣曰自
吾歸爾家安爾母也自忘孤寡自忘長老嘻嘻然如未笄
之初承歡於父母之前夜夢吾先君則爲爾父夜夢吾先
夫人則爲爾母豈爾父母乃吾宿世之父母乎不然何迷
我心靈發於夢寐者三十年如此中外孤幼以先公之祿
爲待哺待絮者其來如歸太夫人所以衣服飲食之蓋有
竭無倦有不足無不均有孤惲老幼之先無親疎厚薄之
別若乃甥姪群從之衆賢愚恭狠之羞太夫人用不愠不

校不欺不伐積爲至德以嫗煦之不遺直心而曲順其理

校不欺不伐積爲至德以嫗煦之不違直心而曲順其理
不越中制而各厚其宜是故寢我無私有常之化者歸我
懷我如服天地豈無忤戾之性多言之口不忍以造次幽
昧遷焉員三從叔寂感太夫人少長子愛之慈以爲生成
罔極之重及壯納室則先請於女氏之介曰吾嫂吾母也
苟能服事如姑則爲某妻不者則否女氏許諾然後贊幣
行焉太夫人自痛早孤終鮮兄弟惟周公蓋祔仲尼合葬
之事咨於先公曰絳雖故鄉世乏喬木洛汭中土首陽家
山今將奉先人於北原卜隣舅姑吾與公存沒之志也命
長子行之本族凋落蒸嘗殆曠鞠孤兒子以涕泣教之使
學古入官承家主祭乃至宗從之祀興廢繼絕繫太夫人

是賴者非一先公享懸車之榮太夫人受偕老之福河洛
安宅京師就養板輿所至讌喜相從旬朔獻壽子孫成列
歲時稱慶冠蓋盈門當時士族以爲榮羨晚年學道於聖
善寺法疑大師所受方便平等則家政也忍辱慈悲則素
行也眞如正覺則天性也皆異積舊習彼於德施盡大師
之法吾無得焉贊等從事守宮世道多故人夫人以爲苟
不虧先王先公之訓則義在不辱是爲無忝未始見責而
姑勉之祿俸供養不給千家之經費太夫人每顧念有一
饑一寒者則爲之不飫不煖其遇窮獨無告不獲其所輒
心體以之不康是以其旨輕鮮之獻未嘗以尊高自異常
者汲汲不足之患而不患焉初太夫人之從先公也公方

齊東野語 卷之四 太夫人以繁祉元福阜興德門男女爲人

獨衣家無數口太夫人以繁祉元福阜興德門男女為人

父母為人大父母為人師者七

第二女故安國寺尼嘗為人師

內外孫洎

曾孫四十有三食先公洎諸子之祿者五十一政主家主

祀者五十一年壽七十四封河東縣君先公故也河東郡

太夫人贊故也列郡啓封為妻為母論者以兼命斯貴同

時難之然天下公議稱先公位不稱德雅知贊者亦謂贊

等命不偶時而太夫人五福百祿之徵蓋上有所不克下

有所未極贊質貞賞皆自痛欲養欲報各孤其分號天訴

天天不我聞伏念昔罹荼毒備承至誠以為殺身無逮揚

名有補忍死為重徇情則輕煢獨

一作煢

苟至不敢自滅謹

哀纂至德密行之可傳者勒之貞石以求厚地嗚呼蒼天

崔少尹夫人盧氏墓誌

前人

嗚呼有唐河南少尹清河崔府君諱徵從先大夫于北邙山平樂原卜年惟三而泉戶啓夫人歸歸而復閉閉而終此山矣禮也哀哉夫人諱某字某姓盧氏以府君為大夫封范陽縣君其先自東漢中郎植十有三葉至於烈考皇朝大理司直孝孫代以禮樂婚姻相遺為氏族冠冕縣君泉源發清峻極馮厚孕和蘊粹吐芳如春其在弱笄雅有君子之度諸姑從母有若帝太師見素裴尚書寬二夫人稱之曰吾見此女使人思齊不自知其所為長開元季年先舅尚書忠公尊顯于代高明克家思配子之賢慎承我之重孫君以姬姜之盛發聞之美誕集嘉命既而有行先

姑隴西夫人人才之傳之以政於是資顧復之報以孝舅姑

姑隴西夫人才之傳之以政於是資顧復之報以孝舅姑
推友于之愛以睦娣姒和琴瑟之樂以諧所從閱詩易之
義以脩所職婦儀母訓垂五十年不一日違仁不須臾忘
禮溫顏和氣物莫之侵朗識清機道與之接雅好黃老且
精禪惠嘗謂要本無二教焉有三吾將貫之以一守之以
一蓋生知免習而寤寐以之是以寢疾恬然臨然不亂謂
生爲旅舍歿爲歸次而我行邁之得息焉壽六十有一終
於洛陽毓德里之私第時貞元二年五月二十九日二孤
漑沫殿中侍御史陸渾尉恭合祔之禮卽命于著龜曰仲
秋甲申吉先是漑沫執河南府君之喪一號三年旣踰月
而縣君繼酷雅知漑者以今之宰政與中朝賢卿大夫多

既之遊其顯有時其養可待何昊天壓之之甚而縣君棄
之之早蓋以不可知者曰天與命相弔焉員則漑等瀆一作

未交之執也見託銘石其銘曰

北邙古原起新阡仁賢同穴閉下泉哀哀孝子不終養蒼
蒼正色誰問天物之常久有貞石我以德音誌神宅千年
丘隴不可期白日佳城俟來觀

崔太常長女墓誌銘

前人

崔氏長女名某先筭之某年不幸遘疇未幾丁烈考太常
卿贈吏部尚書常山公難至哀乘之共迫正氣以貞元七
年秋八月己酉夭於東郡冬十月乙巳兄元方哀奉尚書
從先相國于北邙山以長女祔于尚書之側嗚呼女之生

也兼高札傳陵之殊黜曾祖禮部府君之令望先相國之

也乘高礼博陵之殊勲曾祖禮部府君之令望先相國之
盛業先尚書之重德何四葉垂裕合為禎祥與夫惡疾至
性摧之不勝豈天所助不能移定命乎不然者烈祖顯考
之德之一有惠也
二字恐非純假以溢我我其收之宜施之有年移
之他族宜乎起家而居有公卿之位雅人之所歌韓姑者
疇離之哉夫內則之美不傳于外禮也辱命於其兄者誌
卒葬焉銘曰

崔之九原實維邛阜孝女祔先與天地久

王妣夫人弘農楊氏祔墓誌銘 權德輿

王妣夫人姓楊氏弘農人祖敏皇太僕少卿交州都督金
鄉縣公父晏湖州武康縣令夫人始笄歸于王考府君府

君名重而祿薄家肥而身約仕至左輔尉中兵紀綱掾所

與游者皆天下雋人賢士大夫

集作天人是

無攸遂勸以養之

道備焉天寶四年先太保真孝公既孤夫人慈仁訓育以

文行紹續繇進士第授臨清尉勦縣尉安祿山之亂也以

大節聞履險遠難崎嶇色養滅跡人事以扁舟為家至德

二年夫人棄孝養於杭州富陽縣之行次時四方兵交歲

大疫江東尤劇未克歸柩此焉寧神先公號兆崩毀因中

風濕痺痛

集作癘

外除拜御史著作郎皆以疾不祗命大曆

丁未德輿丁荼蓼貞元戊辰再集艱棘餘生未泯積慶所

鍾因緣踐履叨冒崇大以歲時之不易事物之多故久未

遷神心焉若摧言陰陽者利在卯酉元和五年歲直庚寅

德輿忝太常卿以明年之吉襄事既口共其年猥參宰執

德與忝太常卿以明年之吉襄事既具其年猥叅宰執集

政禮不克就乃建宗廟以嚴蒸嘗逮今十二歲在丁酉德

輿以校檢吏部尚書理戎漢中拜章上請協用龜策啓先

公先太君壽堂于丹徒啓夫人壽宮于富陽德集作得字七月

壬寅祔王考府君兆域于東都伊闕縣蒸水之陽吉白杭

抵洛凡二千五百里水陸安靜誠信無遺天之佑也惟尊

靈幽閔周一甲子罪在孱菲宜當誅殛而懿範遺訓流光

孕休閨門受祉施于孫子霜露怵惕如惓又德輿之

生也後不獲逮事逖聽令聞靡詳萬一故合姓之紀歲棄

代之享年皆闕焉刻茲介石以求終古銘曰

惟王母之令德淑明柔克閨門延耀以引以翼王父安卑

今其道未光先公大節今易名章章伊孤孫之蒙駭不獲
逮事慶靈流澤今積累名器淝河湯湯輶車帷裳伊水之
陽祔于幽堂萬有千歲兮徽音不忘

獨孤氏亡女墓誌銘

前人

元和十年歲在乙未冬十月二十一日戊午故秘書少監
贈絳州刺史獨孤郁妻天水權氏寢疾終于京師光福里
嗚呼吾之女也故哭而識之惟吾門代有懿德至先君太
保貞孝公以大節大行爲人倫師表故鍾慶于爾而又天
闕其成此吾所以不知夫天之所賦也初笄有行未嘗遠
父母兄弟考室周里常如歸寧始絳州以褐衣納采其後
爲行臣史官更掌中外詔誥皆丹命或三命十數年間便

潘清近短赫光大天下公議以中平政待之其後

藩清近烜赫光大天下公議以宰政待之其後集作闔門

之佐君子供先祀嘻嘻申申有孝有仁乃者吾忝大任絳

州居近侍而能婉約勞謙得六姻之和長信宮受冊命之

歲與母於內朝序位環佩之聲相聞黨族榮之人情禮意

纖微矩度言內則者以為折中噉夫絳州方強仁不淑爾

又未練而歿年止三十一天之報施其何哉始稱未亡也

懼貽吾憂每歛感容而為柔色然以沉哀攻中竟不能支

悲夫初先舅憲公有重名于時絳州生而孤不得逮事儻

冥冥有知將同穴而養于下耶抑智氣在上歸之於合集作

冥莫耶吾不知也生子二人女一人長男前歲未成童而

夭次日晦生十年矣至性過人未期再丁荼蓼噉號罔極

晦世父右拾遺朗茹終鮮之痛撫之如不孤貞于龜策得
明年六月六日壬寅祔葬于東都壽安縣之某原宜琢墓
石以求于後吾老矣豈以文為懼他人不知吾女之茂實
故隱痛而銘曰

賜光未晝而湛暎兮植物方華以稿落兮懿吾女之淑令
兮拊君子於冥漠已乎已乎吾不知夫神理之有無

相國右庶子崔公夫人河東縣君柳氏祔葬墓誌

銘

前人

貞元十有一年歲在乙亥三月丁丑故相國安平公夫人
河東縣君考終命于京師安仁里蓋春秋若干其孤曰懿
伯號待輯祔以十月庚午返祔於河南某原安平公之舊

也夫人姓柳氏山八為河汾右族齊周之際中書孝公

封禮也夫人姓柳氏代爲河汾右族齊周之際中書孝公
虬司會景公慶以匪躬厚行爲北朝名臣孝公生止戈後
周洛州刺史洛州孫皇海州長史憬憬生皇伊陽縣丞璿
夫人之祖禰也夫人憑積厚之祉體柔嘉之姿旣笄歸于
安平公公始以處士納采至于佩相印三十年間內則彰
聞嘗以命婦宜家䟽封於本郡又以中宮恤禮爲位於內
朝齋明以助祭慈惠以厚下禴翟五采副笄六珈幽閑必
聞於法度侈汰不萌於心術盛德發於身而被於族姻不
可詳已始用和樂安於隱約終以淑均居于集作顯尊大
君子之家肥道光其助弘矣旣嬰未亡之痛深惟出世之
法受微言於順禪師以蓮華普門爲方寸津筏宜其永錫

眉壽而為大家今則已矣予一不知夫命也懿伯為左千

牛身純孝好學居喪得禮長女適弘農楊弘徵集作纜

半歲有共姜栢舟之誓明識令行倫於古人幼女以衿擗

來歸共承宗事故於夫人之道得周知之懿伯以陵谷之

不可以不識哀請論撰大凡以乾元元年合姓貞元二年

受封安平公薨八年而夫人捐館集作歸其銘曰

於穆夫人徽柔淑溫儀于法集作德門蹈履內則六姻是式

藹然慈仁魚軒煌煌珮玉鏘鏘威儀申申居貧且樂處貴

逾約其道可尊不享天集作大年奄歸下泉孰司陶鈞哀此

孝嗣煢然無恃訴于集作於蒼旻東周故園宰樹鮮原裳帷

幽安刻是貞石厥聲長存

義武軍節度使又度營田易定觀察處置等使檢

義武軍節度使文度營田易定觀察處置等使檢

校司空同中書門下平章事贈太傅上谷郡王張

公夫人谷氏墓誌銘

其前人

夫人姓谷氏魏郡昌樂人其先漢大司農永之後故義武
軍節度檢校司空同中書門下平章事贈太傅上谷郡王
張公之夫人也四代祖那律真觀中仕至諫議大夫弘文
館學士曾祖補袞左羽林軍長史祖倚相祕書省正字佐
集作佑蘭錡以嚴禁旅詳骨魚以考祕文猶未充其才則延
耀於後考崇義天寶末以雄畧氣敢從漁陽之師每建竒
功亟摧北狄歷左武衛將軍左金吾衛大將軍累兼太僕
殿中追贈特進懿是勳慶聚于夫人天資才明動合圖史

早以衿鞶之誠宜于鍾鼎之門百兩以納采三月而助祭

克洽中饋至于上公其於佐以純誠規以策畫超冠命婦

之道叶贊守臣之勞者有焉建中元年疏附於魏郡三年

徒封於鄧國徽音法庶列在命書貞元七年太傅薨于集

於理所嗣子今義武軍節度易定等州觀察處置等使工

部尚書易州刺史兼御史大夫延德郡王茂昭能業其勤

載延其賞克家稟訓宣力撫封六官分職八命作牧虞潭

榮養用厚人倫魯侯燕喜方期壽考伯仲有裕稱於北河

曳裾於邸第者三持憲於牙門者一貞元十一年以幼子

銀青光祿大夫光祿少卿附馬都尉茂宗既承築館之恩

侯執筭之慶方榮著代俄痛終堂以十二年二月丁卯

歲次破千萬年縣安仁田王享年四十九遺表以車服器用

獲疾歿于萬年縣安仁王享年四十九遺表以車服器用
土獻王人就第申弔賜絹三百疋布一百端此又恩禮之
有加也尚書以其年冬十一月甲戌得吉卜於京師少陵原
不祔于太傅行古之道也生極井賦沒有寵賻恩備終始
以榮以哀申命司言之曰採其淑行用琢琬琰銘于墓門
銘曰
鵲巢之德夫人之職輔于上谷啓是鄧國淑慎溫惠徽柔
令色克大閨門施于燕翼萬鍾雖及九原俄卽賦命有涯
孝思罔極

衛國夫人李氏墓誌銘

前人

夫人姓李氏趙郡人前相國司空今戶部尚書燕國于公

之室也。曾祖仲恩，皇藍田縣尉。祖琳，河南府參軍。考復司
 農丞，三葉名器。早而婚親，族類為山東冠甲。外曾王父裴
 丞相，文獻公左右。玄宗為時才臣，外王父吏部郎中，贈刑
 部尚書。綜以文行著於清，名舅族多賢。與軒冕俱大，中外
 積厚而生夫人。興元元年，燕公以南宮郎免而親迎。其後
 歷二千石，九卿觀風貞師。集作輝耀弘大三公相印六職
 地征勤勞，輔佐淑慎和慈。鵲巢之均一，樛木之逮下。采蘋
 之能循法度，螽斯之子孫。衆多實備有焉。晉令公侯夫人
 銀印青綬，佩水蒼玉。貞元三年，夫人以外命婦封河內縣
 君。十九年，以元侯內子，進衛國夫人。廣大專靜，尚柔含德。
 不言而徽音自遠，不耀而儀刑可象。鍾郝之禮法為而不

有姬嬴之地，望有而不恃於六姻之中。薰然以仁煦然如

有姬嬴之地望有而不恃於六姻之中薰然以仁煦然如
春推心以及物各得其所欲故燕公琴瑟友之鍾鼓樂之
克成婦順以贊家道元和十年冬十二月甲辰寢疾薨于
安仁里第享年若干不求醫禱以順性命雖知道之君子
所難能焉明年春二月庚申祔先姑之塋于興平縣之某
原禮也嗣子前太子左贊善大夫正祕書丞方某官季友
某官某等未惟免於水火以至冠婚列在朝序率由慈蔭
自帷堂至于遣奠哀敬有加燕公以德輿於外族爲表甥
於中臺爲同列嗒然之痛俾誌斯文公又命方等泣狀往
行始終詳實故如其論次繫之以銘銘曰

燕公之室弘是內則衛國攸宜淑明柔克環珮琇然蒸嘗

吉蠲家肥族睦二十二年如賓之敬循道之性不慮不圖
奄忽大病茂陵蒼蒼宰樹陰堂幽宅於茲兮德耀不忘

前京兆府咸陽縣丞權公故夫人清河張氏墓誌

銘

前人

夫人姓張氏南陽人曾祖鉉皇正議大夫恒州刺史祖重
暉皇朝議大夫衡州刺史贈太常卿考伯禽皇銀青光祿
大夫將作少監兼通事舍人奕代以大夫二千石班宣教
化而先公贊謁在帝左右兄憑又以衛尉少卿簡王傳世
其官故表儀風訓家法延耀夫人承是吉祿生而懿美大
曆十二年既筭歸于天水權公公時為馮翊縣尉其後藻
登封贊咸陽回翔於周秦甸圻集無此二字間皆用功次得調

補食貧則嗜嗜於衡華之下族屬和而家事理抑夫人

登封縣志卷之四 鄉閭於田而泰甸所集無此間皆用功次得調
蕭蕭食貧則嘻嘻於衡華之下族屬和而家事理抑夫人
是賴資性溫重閨門整峻每中外六姻有嘉會喪禮必董
必赴周旋法度女士憲焉而不得鳴珈佩玉弘大中饋命
也貞元十八年夏四月暴嬰疾癘終于京師新昌里春秋
若干秋九月窆于某縣某原從吉筮也支子某等克窮杖
集作泣捧是圓石以不可不識命從祖兄子銘之其詞曰
在漢七貂族之盛兮常山衡陽休有慶兮父兄仍代贊名
命兮展彼夫人來合姓兮徽柔靜專家道正兮生也有涯
斯大病兮芻靈廣柳掩泉逕兮刻此貞珉彰淑令兮

大詠令既靈而林林泉聖令既出負非漳城令令

令令其妙夫人不有以之燭燭燭燭燭燭燭燭燭燭

燭燭燭燭燭燭燭燭燭燭燭燭燭燭燭燭燭燭燭燭燭

燭燭燭燭燭燭燭燭燭燭燭燭燭燭燭燭燭燭燭燭燭

燭燭燭燭燭燭燭燭燭燭燭燭燭燭燭燭燭燭燭燭燭

燭燭燭燭燭燭燭燭燭燭燭燭燭燭燭燭燭燭燭燭燭

燭燭燭燭燭燭燭燭燭燭燭燭燭燭燭燭燭燭燭燭燭

燭燭燭燭燭燭燭燭燭燭燭燭燭燭燭燭燭燭燭燭燭

燭燭燭燭燭燭燭燭燭燭燭燭燭燭燭燭燭燭燭燭燭

文苑英華卷第九百六十八

誌三十四

婦人六

王使君夫人崔氏墓誌一首

許縣丞夫人常氏墓誌一首

何少府夫人盧氏墓誌一首

李少府夫人盧氏墓誌一首

柳贊府夫人權氏墓誌一首

王侍郎太夫人權氏墓誌一首

裴府君夫人柳氏墓誌一首

亡妻楊氏墓誌一首

朝議大夫洋州刺史王君夫人博陵縣君崔氏祔

葬墓誌銘

權德輿

夫人姓崔氏博陵安平人皇鳳閣侍郎平章事博陵郡玄
暉集作暉之曾孫禮部侍郎璩之孫侍御史賁之息女洋州
刺史瑯琊王君澄之嘉偶崔氏自漢濟北長岑代爲文宗
王氏自晉睢陵卽立繼生元臣二族之茂范蔚宗沈休文
推本言之矣重以母后中宗之際石泉博陵二先正有經
綸代命之材推戴格天之業延耀濟美爲祥爲祉爲君子
爲女士合姓好逑與他族不侔夫人未笄累失恃怙旁無
兄弟泣血襄事奉二尊裳幘間關道途自鍾陵抵洛邑哀
敬與禮三者無違神祐純孝爲宗姻所歎某年從父兄縱
盛選卿才故王君納采焉王君以才器政事連辟公府歷

御史司直為河南紀綱掾改陽翟令入為尚書屯田郎出

刺洋州柔嘉左右叶是休德初洋州同氣八人名居

集作位

焯於當時冢婦介婦必華宗淑詰夫人贊宗事供先祀鼓

琴誦詩姿操閑

集作嫺

雅奉上以誠群居用和外言內言不

越於閭朝服祭服必成於手洋州捐館二十年而夫人歿

於櫟陽之別墅時貞元十九年秋七月某甲子蓋年五十

二初洋州娶滎陽鄭氏生子曰造而夫夫人以繼室生子

三人曰迺曰逵曰邁母儀均養皆為良士造仕至藍田尉

迺脩詞與計偕逵邁咸以門資分佐環列哀號罔極泣問

龜策二十年冬十月某甲子附于洋州之舊封先是洋州

猶子興平尉源長受夫人之理命曰吾與爾二門積德奕

代銘表必咨時文先舅之碑吏部趙郡李公實爲之先君
之誌從翁太傅文貞公實爲之且以德興於夫人有通世
之舊猥求論譔泣狀遺懿實而不華是用采獲以銘內則

銘曰

安平臨圻右族蕃滋仁賢是儀好合嘻嘻乃封故地象服
斯貴諒無攸遂亦勸以義婦順彰聞母儀可尊肅肅閨門
四男晨昏吁嗟風樹奄闕泉路魯人之柎皇辟之墓鏤茲
淑聲永識冥冥

湖州武康縣丞許君夫人京兆肅氏墓誌銘

前人

美公姓

集無
姓字

肅氏京兆杜陵人楚傳漢相之後分封

以至周郎襄公孝寬爲宗門龜蛇曾祖某某官祖某某官

以至周郎襄公孝寬為宗門龜龍曾祖某某官

父楚器皇太子宫門郎其外族隴西李氏涼武昭王玄盛

後魏司空文穆公冲隋絳郡公禮

集作李

成之世德與之從

母姊

集作姊

也中外華閥乃生淑喆幼失恃怙先太君保而

養之猶女子子焉既笄歸于某郡許授授循里喻義調常

州義興尉湖州武康丞蒲葦田廬於霅溪之上忘懷進

取夫人贊家道以供先祀誠伯宗而饁冀缺許君之動靜

無悔抑有助焉所從之祿甚薄不及偕老徙宅教子宜家

佐餽閨門之禮有同嚴君才識所及過人遠甚雖內外之

言不越於閫而人事物理皆能折中焉凡結褵二十五歲

而稱未亡人又十五歲而不舉火時元和二年正月某甲

子春秋五十九其子士儉謹敏屬詩書未與計偕者不忍

違養故也泣訪著蔡得十月某甲子吉權祔于皇辟之封

惟夫人有姿操徽範不得被魚軒翟第之飾獨振內則而

傳母儀孝子冢婦居喪率禮無違而哀有餘姻黨稱焉嗚

呼孩提相長實均同氣今視士儉猶吾之出焉士儉緘哀

詞治集作理命請刻圓石屑涕直書寄茲沉痛銘曰

士之積集作贊行未必豐祿有美夫人不登象服從夫也有

德有儀訓子也恩斯勤斯勸以義兮道之慈養未及兮命

奪之服在總兮心若碁刻琬琰兮涕鈇洩集作流

洛陽尉何君夫人范陽盧氏墓誌銘 前人

夫人姓盧氏范陽人曾祖仁皇相州錄事叅軍祖不勤皇

壽州霍山縣丞父隨皇太原府和縣丞三世坤晦皆不

夫人姓盧氏范陽人曾祖仁皇相州錄事參軍祖不勤

壽州霍山縣丞父隨皇太原府祁縣丞三世冲晦皆不至

大官故夫人鍾其粹美生為嬪則以既笄之年歸廬江何

君官至洛陽縣尉夫人有輔贊之美柔明之行誠順孝慈

以內則為師故得六姻之和而禮無違者乾元中何君早

世夫人訓字諸姑動必以方長子士程為蘇州嘉興尉幼

子士又儒行修明或史集作或文克荷先構有女二人長

適河東裴氏次適博陵崔氏皆奉母之訓宜其家室非導

之教之之至其及此歟以興元元年三月日考終命于嘉

興年六十一士程士又等謀及龜筮以某月日權厝潤州

未免返葬故也夫人即考功貞外郎士幹之世母也予嘗

接考功遊獲聞行實故不敢辭二孤之請刻石以銘之辭

文苑英華卷一百一十五 墓誌銘 十一 盧氏 十一

婉彼夫人淑明柔克周旋動用率由四德不享蕃祉不躋
壽域二連之哀哀何有極

潤州丹陽縣尉李公夫人范陽盧氏墓誌銘

夫人姓盧氏范陽人北齊黃門侍郎思道之五代孫也曾
祖悌皇高道不仕祖綱皇城門郎父侑皇太原縣尉雖仕
皆數命以至淪謝而皆飾行懿文有當時之譽明德奕世
誕生夫人既笄嬪于李公李公爲烏程丹陽二縣尉夫火
居貧守約動必由禮謙敬以睦中外吉蠲以奉蒸嘗其糲
采服澣濯中饋式叙和樂嘻嘻有嘉聞而無攸遂一紀于

茲矣嘗聞善餘慶謙受又益豈前志之謬歟將有必定之數
歟既而奄忽遘疾不翌日而大漸以大曆十一年月日歿
于丹陽之私第享年若干某月日權厝于縣之五里原從
宜也生子數人早歲夭落今之存者女子三人長者生纔
六霜其次差以幼矣雖禮所未及而號不絕聲呱呱然行
路爲之憐戚公以爲鼓盆傷神兩不中節而鍾情之哀可
勝既乎且虞陵谷之變也乃命權氏甥德輿爲之銘曰
去夏屋之渠渠兮即孤丘之峩峩往不可復兮沉痛如何
薤露蒿里兮古有哀歌

睦州桐廬丞柳君故夫人天水權氏墓誌銘

前人

夫人姓權氏天水略陽人十二代祖翼前秦僕射安丘敬

公其後至周隋間有佐命功代荷茅土者三葉以至魯王

父滑州匡城縣令崇本王父益州成都縣尉無待集作烈

考許州臨潁縣令俊成都以太學進士擢第臨潁判入甲

科皆以文學著名粹行純氣有以鍾下夫人生而敏異姿

性端明懿行全識發於天授而和敬以事長慈惠以祔下

窈窕德象動成儀度機鑑精辨而深自晦默伯仲甥姪等

每有疑理滯義多所咨訪夫人不得已而後言言必中倫

誠順之道自中形外外內族姻之中瞻其儀形剛戾者順

不仁者化以貞元二年三集作月歸河東柳君君為睦州

廬丞方謂有魚軒象服之慶偕老宜家之壽不幸違疾

萬以其年七月日終于桐廬之官舍享年若干自設帳至

瀟以其年七月日終于桐廬之官舍享年若干自設帳至
于屬纊九族無間言終食無違德宜乎綏福履而介眉壽
猶祭服以叅鬻館而迫阨終身莫申其道六姻安仰為善
者惑豈善慶昭報之言妄作耶將壽夭淹速之度固有所
定耶柳君奉其喪以某月日權厝于卅陽縣其原竇氏伯
娣之塋次從遺旨也從父兄子德輿一二群從銜茹未痛
書實錄于墓石銘曰

采繁采蘋列于詩人恭惟淑明與古為鄰嘉玉粹溫薜英

氛氲

集作芬蓋

淒風夜壑銷鑠堙淪命不可問兮從古云云追

琢淑德兮用識幽墳

戶部侍郎王公

集作君

先太夫人河間劉氏墓誌銘

夫人劉姓

集作劉姓

其先漢河間王王有明德世紹顯懿至于

唐有文昭者為綿州刺史良二千石其嗣慎言為仙居令

光州長史克荷于前人光州

一有君字

夫人之父也夫人既笄

五年從于北海王府君諱某府君舉明經授任城尉佐金

吾衛兵曹修經術以求聖人之道通古今以推一王之典

會世多難不克如志卒以隱終夫人生二子長曰彝倫舉

五經早夭少曰叔文堅明直亮有文武之用貞元中待詔

禁中以道合于儲后凡十有八載獻可替否有匡弼調護

之勤先帝棄萬姓嗣皇承大位公居禁中訏謨定命有某

之勤先帝棄萬姓嗣皇承大位公居禁中訏謨定命有某

明出納有彌綸變通集作之勞副經邦阜財之職加戶部

明出納有彌綸變通集作通變之勞副經邦阜財之職加戶部

侍郎賜紫金魚袋重輕開閉有和鈞肅給之効內贊謨畫

不廢其位凡執事十四旬有六日利安之道將施于人而

夫人終于堂蓋貞元集有文字二十一年六月二十日也知道

之士為蒼生惜焉天子使中謁者臨問其家賻以布帛嗚

呼夫人之在女氏也貞順以自處孝謹以有奉其在夫族

也祇敬以承上嚴肅以涖下事良人四十有九年而勤勞

不懈生戶部五十有三年而教戒無闕年七十有九而戶

部之道聞于天下為大僚垂紫綬以就奉養公卿侯王咸

集集作造于門既壽而昌人集作世用羨慕然而天子有詔俾

定封邑有司稽於論次終以不及時有痛焉是年八月某

日祔于兵曹府君之墓銘曰

夫人之德溫柔敬直承于陰教式是嬪則克生良子用揚

懿美有文有武弘我化理天子是毗邦人是望金章

集作若若

紫綬榮于高堂惟昔孟氏號為母師在漢稱賢有戒不疑

懿懿

一作哉

夫人維其似之山北之里

集作中

神禾之原問于

靈龜閱此顯魂勒石垂休永永萬年

亡姊前京兆府叅軍裴君夫人墓誌 前人

柳氏至于唐其著者中書令諱奭中書之弟之子曰徐州

府君諱于夏實有考德世其家業清池府君諱從裕繼之

以茂實德清府君諱察躬承之以善政以至于侍御史府

君諱鎮用貞信勁正達于邦家克生賢女以女

集作配

于裴

民裴氏至于唐其著者禮部尚書諱行儉禮部之子曰傳

中諱光庭嗣用忠肅書于國史又祠部府君諱貞業之以真

置以至于金吾府君諱敬用純懿端亮聞於天下實生良

子以配夫人焉集無馬字嗚呼夫人與仁孝偕生以禮順皆長

始於家純如也終於夫族穆如也其為子道也孝以和恭

以惠取與承順必稱所欲先公集作君與夫人恩遇尤厚故

夫人侍側無威怒之教焉天禍弊族夙遭大故我諸孤奉

大夫人之養不敢圖死至于復常夫人三歲無湯沐無盥

酪頓踴叫號哀徹天地外除髮不勝筭體不勝帶太夫人

泣而命之內集作固猶不食朝夕諭誨僅而濟焉其為妻道

也貞順之宜恒服於身體疑忌之慮不萌於心術忿懣之

色不兆於容貌同焉而合於禮婉焉而得其正其為婦道

也惟聽順謹敬睦姻任集作仁恤之行甚備常以不幸不及

舅姑之養用為大恨是故相春秋之事砥滌濯羞簋盞勞

以待旦每怵惕之感至焉則又移其孝于兄公安公集作裴之

門而以睦于冢婦介婦必敬必親上以不失其赤子之心

姻族歸厚率由是也嗚呼我之大譴歟裴氏子之大不幸

歟以夫人之德行宜貴壽宜康寧然而年始三十不克至

于壽良人官為參軍不及偕其貴骨髓之疾實鍾于身以

貞元十六年三月十三日甲子終于光德里第痛矣夫始

夫人之疾也夫人之族視之如已宗其家老長妾媵獲之

微皆以其私奔謁於道路禱鬼神問卜筮者相及也既病

太夫人在則尚意積意及首勿干治守樂曾行形立氣始以水

太夫人在側尚慮積憂傷于尊懷猶行形立氣給以少間

故二維未亂良人在遠不及有緒言遺念以傳于一作於後

則我呼天之痛宜有加焉嗚呼天胡厚是懿德而闕其報

施獨何心集作咎歟余一集無此字非不知天之忍也既逾月良

人至自洛師望門而哭曰無以立吾家成吾身矣凡生三

子幼曰崔七先夫人八月而殞魂氣無不之也次日崔六

後夫人五旬而夭因拊焉今其存者曰崔五幸無恙託于

乳媪似虞水火哀哉其年八月十八日甲子安厝于長安

縣之神禾原從于先塋拊于皇姑宜也母弟號哭而為之

志毒痛憑塞略不能具敢告無愧辭無溢羨庶用正直克

安神心嗚呼至親集作哀無文至敬不飾故無其辭

亡妻弘農楊氏墓誌

前人

亡妻弘農楊氏諱某高祖皇司勳郎中諱元政司勳生殿
中侍御史諱志玄殿中生醴泉縣尉諱成名醴泉生今禮

部郎中凝世

集作代

濟仁孝號爲德門郎中娶于隴西李氏

生夫人夫人生三年而皇妣即世外王父兼居方伯連帥
之任歷刺南部夫人自幼及笄依于外族所以撫愛視遇
者殆過厚焉夫人小心敬順居寵益畏終始無驕盈之色
親黨難之五歲屬先妣之忌飯僧於仁祠就問其故保傳
以告遂號泣不食每及是日必遑遑涕慕抱終身之戚焉
及許嫁于我柔日旣卜乃歸于柳氏恭惟府君重崇父道
於郎中最深髻稚好言始於善譁雖間在他國終無異聲

凡十有三歲而二姓克合奉初言也夫人既歸事太夫人

備敬養之道敦睦夫黨致肅雍之美主中饋佐蒸嘗怵惕

之儀集作義表于宗門太夫人嘗曰自吾得新婦增一孝女

况又通家愛之如已子崔氏裴氏二姊視之如兄弟故二

族之好異于他門然以素被足疾不良能集作能良行未三歲

孕而不育厥疾增甚明年以謁醫救藥之便來歸女氏求

寧里之私第八月一日甲子至于大病集作疾年始二十有

三嗚呼痛哉以夫人之柔順淑茂宜延于上壽端明惠和

宜齒于貴位生知孝愛之本宜承于餘慶是三者皆虛其

應天可問乎衰門多豐上天無佑故自辛未逮于茲歲累

服齊斬繼纏哀酷其間冠衣純采暮月者三而已矣無乃

卷之五
一八

以是累夫人之壽歟悼慟之懷曷月而已集有已矣哀夫遂以

九月五日庚午克葬于萬年縣栖鳳原從先塋禮也是歲

唐貞元十五年龍集巳卯為之誌云

坤德柔順婦道肅雍惟若人兮婉婉淑姿鏘翔令容委窮

塵兮佳城鬱鬱閉白日兮之死同穴歸此室兮

文苑英華卷第九百六十八

文苑英華卷第九百六十九

誌三十五

文苑英華卷第九百六十九

誌三十五

婦人七

河東縣太君盧氏墓誌一首

趙郡夫人李氏墓誌一首

裴海州夫人李氏墓誌一首

賢妃常氏墓誌一首

元長史夫人鄭氏墓誌一首

岐陽公主墓誌一首

先太夫河東縣太君盧氏歸祔誌 柳宗元

先夫人姓盧氏諱某世家涿郡壽止六十有八元和元年

歲次丙戌五月十五日棄代于宋州零陵佛寺明年某月

日安祔于京兆萬年栖鳳原先侍御史府君之墓其孤有
罪銜哀待刑不得歸奉喪事以盡其志姪洎夫人兄之子
弘禮承事焉嗚呼天乎太夫人有子不令而陷于大僂徙
播瀉土醫巫藥膳之不具以速夭禍非天降之酷將不幸
而有惡子以及是也今又集作無適主以葬天地有窮此
究無窮既舉葬引猶以不孝集作之辭擬述先德且志其
酷焉嘗逮事伯舅聞其稱太夫人之行以教曰汝宜知之
七歲通毛詩及劉氏列女傳斟酌而行不墜其有集作汝
宗大家也既事舅姑周睦姻族柳氏之孝仁益聞歲惡少
食不自足而飽孤幼是良難也又嘗侍先君有聞如舅氏
之謂且曰吾所讀舊史及諸子書夫人聞而盡知之無遺

者某始四歲居京城西田廬中先君在吳家無書太夫人

教古賦十四首皆

集注 作日

諷誦之以詩禮圖史及剪刺締結

集作剪 製縷結

授諸女及長皆為名婦先君之仕也伯母叔母姑

姊妹子姪雖遠在數千里之外必奉迎以來太夫人之承

之也尊也者敬之如臣事君下已者慈之如母畜子敵已

者友之如兄弟無不得志者也諸姑之有歸必廢寢食禮

既備常有勞疾先君將改葬王父母太夫人泣以蒞事既

具而大故及焉不得成禮既得命於朝祇奉教曰汝忘大

事乎吾家婦也今也宜老而唯是則不敢暇抑將任焉苟

有日吾其行也及命為邵州又喜曰吾願得矣竟不至官

而及於罪是歲之初天子加恩群臣以宗元任御史尚書

郎封太夫人河東縣太君八月會冊太上皇后于興慶宮

禮無遺者既至求州又奉教曰汝唯不恭憲度既獲戾矣

今將大儆于后以盖前惡敬懼而已苟能若是吾何恨哉

明者不悼往事吾未嘗有戚戚也而卒以無孝道不能有

報焉喪主子宗婦七歲而不果娶竄窮徼人多疾殃灾集

炎暑熇蒸其下卑濕非所以養也診視無所問藥石無所

求禱詞無所實蒼黃叫呼遂遭大罰天乎神乎其忍是乎

而獨生者誰也為禍為逆又頑狼而不得死逾月逾時以

至于集于字靈車遠去而身獨止玄堂暫開而目不見孤

凶窮繫魄逝心懷一作壞蒼天蒼天有如斯耶有如是耶而

猶食者何如人耶已矣已矣窮天下之聲無以舒其

哀矣盡天下之聲無以傳其苦矣刻之堅石惜之猶食者

哀矣盡天下之辭無以傳其酷矣刻之堅石措之幽陰終
天而止矣

伯祖妣趙郡李夫人墓誌銘

前人

夫人姓李氏辯族姓者曰趙郡贊皇之東祖祖某爲某官
父冲爲單父尉夫人生於良族嶷然殊異及笄德克於容
行踐於言高朗而不傷其柔嚴恪而不害其和特善女紅
剪製之事又能爲雅琴秦聲操縵之具婦道旣備宜爲君
子之配偶焉我伯祖臨邛令府君諱某受夫人於李氏之
廟而歸于正室臨邛府君之先曰我曾王父清池府君諱
從裕清池之先曰徐州府君諱子夏又其先曰常侍府君
諱楷常侍之兄曰中書令諱夔自中書以集作上爲宰相

四世噫我伯祖以宗胄碩大而濟其德厚夫人以族屬清
顯而修其禮範合二姓以承先祖爲士者榮之故佐奉養
承祭祀婦德用光家道甚宜無何伯祖終于臨邛而窆焉
夫人從子而返于淮潁嗚呼我先府君每得仕未嘗不奉
迎供養必誠必親男既立必使之有祿仕女必使之有家
將嫁已子必先擇良士可以配諸姑者定然後議焉仲父
殿中侍御史府君由是志也夫人生男一人諱某不幸終
於宣州族德尉女三人皆得良婿隴西李伯和爲楊子丞
病痺廢痼而沒大原王紆今爲右補闕潁川陳萇爲校書
郎渭南尉知名貞元十六年王氏始定省扶持自揚州至
于京師道路遇疾遂館于陳氏以諸婿之良諸女之養無

是歲六月二十九日終于平野

不得意焉享年八十一是歲六月二十九日終于平慶
自小歛至于大歛比及葬則二婿實叅主之有孫二人長
曰曹即奉之以縗而至于位八月二十四日葬於萬年縣
之少陵原實栖鳳原介于我先府君仲父二兆之間神心
之所安也嗚呼嗣子早夭臨卬萬里以歲之不易未克合
衽哀孰甚焉諸姑命柳州本宗元崇本無以為斯志以從
人之道內夫家外父母且又葬于我志于我故叙柳氏為
備銘曰

藹其芳壽且康大梁鶉火沉幽光夙淪夫子嗣又喪平蒲

集作帷不復岷之陽兆靈趾栖鳳里良之山兌之水靈之

輔車當返此子孫百代承靈祉誰之言者青烏子

海州刺史裴君夫人李氏墓誌銘 白居易

夫人贊皇縣君李氏趙郡高邑人也六代祖素立安南都護五代祖休烈趙州刺史高祖諱志遠天官侍郎曾祖諱番國子司業祖諱承工部尚書湖南觀察使考諱藩門下侍郎同平章事贈戶部尚書夫人諱娥相國長女也適河東裴君克諒諒今爲海州刺史一子曰鐵左衛騎曹叅軍一女適隴西李遂遂爲壽州刺史叅軍由此而上得於國史家諜云夫人爲相門之女邦君之妻不以華貴驕人能用恭儉克已撫下若子敬夫如賓衣食之餘旁給五服親族之饑寒者又有餘散活集作先代僕使之老病者又有餘分施佛寺僧徒之不足者澣衣菲食服勤禮法禮法之

外諷釋典持直言棲心空門等觀生死故治家之日欣然
自適捐館之夕恬然如歸嘗曆三年三月一日疾終于海
州官第其歲十一月十四日歸柩于某所先塋享年五十
有四夫人之從裴君也歷官九任凡三十一年族睦家肥
輔佐之力也由此而上得於裴君狀云夫源遠者流長根
深者枝茂噫李氏之世祿也德有所從來矧相國端方廉
雅孝友忠肅自從事彭城登庸宰府不以夷儉而遷其道
宜乎居極位享賢名也夫人敬恭勤儉柔順慈惠自女於
室歸於家不以初終而怠其行宜乎啓封邑光德門也裴
君脩文達政潔已愛人自佐邑從軍連牧二郡不以寒暑
而易其心宜乎荷百祿號良二千石也嗚呼非此父不生

其集作此

女非是夫不稱是妻斯所謂類以相從合而具美

者也論撰表誌其可闕乎銘曰

高邑之祥降於李氏相門之慶鍾于女子女子有行歸老

集作我

裴君君亦良士宜賢夫人夫人雖歿風躅具存勒銘

泉戶作範閨門

賢妃京兆常氏墓誌銘

前人

德宗聖文神武皇帝元妃常氏諱某字某京兆人也曾祖

某某官祖某某官父某某官妃即某官府君第某女也母

曰來穆公主元和四年四月某日妃薨于某所以某年四

月某日詔塋于萬年縣上好里洪平原上悼焉哀榮之禮

有以加等

集作焉

嗚呼惟常氏代德宦業族系昏戚有國史

存焉今奉詔但書地及時與妃之所所以曰賢之

象謀存焉今奉詔但書地及時與妃之所以曰賢之義而

貞元中沙麓

集作鹿

上仙長秋虛位凡六御

集作十六未詳

九御

之政多聽於妃妃先以采繁之職

集作

奉於上故能助霜

露之感薦于九廟次以樛木之德逮于下故能分雲雨之

澤洽于六宮其餘坐論婦道行贊內理服用必中度故組

紉有常訓言動必中節以環佩有常聲二十七

集作七十二年

禮無違者冊命曰賢不亦宜哉永貞中

集作貞元中非

號奉宮車

誓留園寢麻衣告朔蓬首致哀執匪懈之心侍

集作視

奠於

靈座脩無上之道薦福于崇陵殆茲歿身不衰其志故葬

之日掌文之臣白居易得以無愧之詞誌于墓而銘曰

京兆阡兮洪平原兮歲已丑兮日丁酉兮惟土田兮與時

日龜兮著兮偕言吉我我新墳兮塋者誰德宗皇帝常賢

妃

河南元府君夫人鄭氏墓誌銘 前人

有唐元和元年九月十六日故朝

集本文粹
並作中

散大夫尚書

比部郎中舒王府長史河南元府君諱寔夫人滎陽縣太

君滎陽

二本無
此二字

鄭氏年六十寢疾歿于萬年縣靖安里私

第越明年二月十五日權祔于咸陽縣奉賢里洪瀆源從

先姑之塋也夫人曾祖諱遠思官至鄭州刺史贈太常卿

王父諱瞻朝散夫人易州司馬父諱濟睦州刺史夫人即

睦州次女也其出范陽盧氏外祖諱平子京兆府涇陽縣

蔡夫人有四子二女長曰派

集作
派

蔡州汝陽縣尉次曰桓

京兆府萬年縣尉次曰積同州韓本州成縣尉次曰桓

京兆府萬年縣尉次曰積同州韓蜀本作城縣尉次曰積

河南府河南縣尉長女適吳郡陸翰為監察御史次為比

丘尼曰二木真一二女不幸皆先夫人歿府君之為比部

也夫人始封滎陽縣君從夫之二木無之貴也積之為拾

遺也夫人進封滎陽縣太君從子之貴也天下有五甲姓

滎陽鄭氏居其一鄭之勲德官爵有國史在鄭之原派婚

姻二本作源有家謀在比部府君世祿官政文行有故京

兆尹鄭雲達之誌在今所叙者但書夫人之事而已初夫

人為女時事父母以孝聞友兄姊睦弟妹以悌聞發自生

知不因師訓其淑性有如此者夫人為婦時元氏世食貧

然以豐潔家祠二本作傳為治訓二字二本作夫人每及

時祭則終夜不寢煎如滌濯必躬親之雖隆暑涸蜀作寒

之時而服勤親饋面無勞色其誠敬有如此者元氏鄭氏

四字集皆大族合而為親二本無姻表滋盛二本凡中外

吉凶之禮有疑議者皆質於夫人夫人從而酌之靡不中

禮其明達有如此者夫人為母時府君既沒積與積方鬢

亂家貧無師以受業夫人親執詩書誨而不倦四五年間

二子皆以通經入仕積即二本第判入等授秘書省校書

郎屬今天子始踐祚策三科以拔天下賢俊中第者凡十

八人而積冠其首焉由校書郎拜右二本拾遺不數月謹

言直聲動于朝廷以是出為河南尉長女既適陸氏陸氏

有舅姑多姻族於是以順奉上以惠逮下二紀而歿婦道

不義內外六姻仰為儀範非夫人恂恂孜孜善誘所至則

不表內外六姻仰為儀範非夫人恂恂孜孜善誘所至則

曷能使子達於邦女宜其家哉其教誨有如此者既而諸

子雖逮事二本作祿秩集作甚薄每至日二本給食時給

衣皆始自孤弱者次及踈賤者由是衣無常主厨無異膳

親者悅踈者來故傭保乳母之類有凍餒垂白不忍去元

氏之門者而况減獲輦乎其仁愛有如此者自夫人母其

家始二十五年專用訓誡除去鞭朴常以正顏色訓諸女

諸集無婦其心兢兢戰戰四字二本如履于冰常以正辭

氣誠諸子諸集無孫諸子諸集無孫其心愧耻若撻于市

由是納下於少過致家於大和俾僕終歲不聞忿爭童孺

成人不識櫛楚閨門之內熙熙然如古時人也其慈訓有

夫人范氏傳 卷之九 八

如此者噫昔漆室緹縈之徒烈女也及為婦則無聞伯宗

梁鴻之妻哲婦也及為母則無聞文伯孟氏之親賢母也

為女為婦時亦無聞今夫人女美如此婦德又如此母儀

又如此三者其美可以冠古今矣嗚呼惟夫人之道移於

他則何用不滅乎若引而伸之可以肥一國焉則關雎鵲

巢之化斯不遠矣若推而廣之可以肥天下焉則姜源文

母之道集作風斯不遠矣豈止於訓四子以聖善化一家於

仁厚者哉居易不佞辱以集本文夫人之幼子積為執友

故聆夫人之美最熟積沍血孺慕哀慟他人託為撰述書

於墓石斯古孝子顯父母之志也嗚呼斯文之作豈直為

是而已哉亦使文粹百代之下聞夫人之風過文粹

夫人之墓者使悍妻和豈母慈心不遂之女頌云

夫人之墓者使悍妻和嚙毋慈不遜之女順云爾銘曰
元和歲丁亥春咸陽道渭水濱云誰之墓鄭夫人

岐陽公主墓誌銘

杜牧

憲宗皇帝即位八年出嫡女冊封岐陽公主下嫁于今工
部尚書判度支杜公悰始憲宗時宰相權德輿有婿獨孤
郁爲翰林學士帝愛其材因命宰相曰我有集無嫡女旣

此字

旣

笄可嫁德輿得婿獨孤郁我豈不得耶可求其比後丞相

吉甫進言曰前所奉詔臣謹搜其人因名我烈祖司徒岐

公曰有孫兕悰年始弱冠有德行文學秀朗嚴整臣嘗爲

司徒吏熟其家事官族世婚習尚守治臣一皆忖量

集作度

疑悰可以奉詔帝即召尚書見與語大悅授殿中少監服

章金紫以元和八年某月日主下嫁于杜氏上御正殿禮
 畢由西朝堂出節幡鼓鐸儀物畢備引就昌化里賜第上
 御延喜樓駐止主輪尚書及賓侍酒食金帛奏內樂降嬪
 御送行賜第堂有四廡續椽藻櫺卅白其壁派龍首水為
 沼主外族因請願以尚父汾陽王大通里亭沼為主別館
 當其時隆貴顯榮莫與為比主實憲宗皇帝嫡女德宗皇
 帝母妹敬宗皇帝今天子親姑尚父汾陽王子儀外曾孫
 太皇太后始以正妃事憲宗以太后太皇太后愛一作受養
 三朝凡四十年德厚慈恕化充六宮主以一女之愛降于
 杜氏逮事舅姑杜氏大族其他百為婦禮者不翅數十人

軍委怡順奉上撫下終日惕懼屏息拜起一作集作用家

入龍在又二十餘年人未嘗以絲髮間皆為貴驕人知如

字軍委怡順公奉... 撫下終日惕息... 屏息拜起一月... 集作家

入禮度二十餘年人未嘗以絲髮間指為貴驕始與尚書

合謀曰上所賜奴婢卒不肯窮屈奏請納之上嘉嘆許可

因錫其直悉自市寒賤可制指者自是閉門落然不聞人

聲尚書讀書考今古治亂主職婦事承奉夫族時歲獻饋

吉凶賻助必親自經手池塞館後直爾闢球場種樹不數

十年縉紳間雜然稱尚書為賢主婦尚書旋出為澧州刺

史主後為尚書行郡縣聞主且至殺牛羊大為數百人供

具主從從字集不二十人六七婢乘驢闕葺約所至不得

肉食驛吏立門外卑飡食以返不數日集有聞于京師長

譁說以為異事尚書在澧州三年主始入後出中間不識

刺史廳屏尚書治澧州考理行為天下第一後為大司農

集作徒非京兆尹鳳翔節度使朝廷屈指比數以為凡有中外

重難非尚書不可主賢益彰雖至宮闈貴號亦加尊敬姑

涼國太夫人寢疾比喪及葬主奉養蚤夜不解帶親自嘗

藥粥飯集作飲不經心手一不以進既而哭泣哀號感動他

人尚書後為忠武軍節度使所治許州創為節度府五十

年南迫於蔡屋室庫陋主居無正堂處東支屋恬然六年

許軍強雄且撐劇寇自始多用武臣治各出已部曲家人

疵政代爾反法習為循常有司用此集無此字比邊障遠地

擲置不問民亦甘心尚書再治之老民相率兩走闕下遞

丞相馬叩頭乞番請樹生祠及詔追去攀緣携扶哭於道

路尚書治外主治內尚書所至必稱崩崩士力切為名公備

人主實有內助焉穆宗以太集無皇太后故集作主

入求實有內助焉穆宗以太集無皇太后故集作主尤為

親信俯首益卑車服待使愈自賤抑觀謁溫清外口不言

他事訖穆宗朝人不以親貴稱當貞元時德宗行姑息之

政王武俊王上真張孝忠子聯為國婚憲宗初寵于頓來

朝以其子配以長女皆挾恩佩勢聚少俠狗馬為事日遮

集無截馳道縱擊平人豪取民物官不敢問戚里相尚不

以為窮四字集作不自主降于尚書壁絕外之初怒中笑

後皆敬畏累聖亦指示主德以誠警之至于今日集作主

尚書顯重於中外戚里亦皆自檢歛隨長短為善於是舊

倍滅不復有尚書自許奉急追詔主有疾小愈強不肯留

曰去朝興敬集作宮縱死於道吾無恨以開成二年十一

月某日薨於汝州長橋驛亭

集作享

年若干上廢朝三日某

年十二月某日主喪至京師比及葬兩宮弔問相繼於道

開成三年某月日上御正殿詔丞相嗣復攝中書令正衙

宣冊謚曰莊淑大長公主某年月日祔葬于萬年縣洪源

鄉少陵原尚書先塋禮也生男二人長曰輔九年十歲次

曰楊十始二歲女二人某於尚書爲從父弟得以實銘銘

曰以其子猶以

章武皇帝唐中興主刑于正妃教及嫡女婉婉帝子下嫁

時賢影逐響答隨順纏綿杜氏大族枝蔓蟬聯上有舅姑

高堂儼然螭綬龜章玉佩金軒養色悅意侍後承前人本

我費敬不

集作我敬

我虔始終盡禮大小周旋餘二十年

我贊敬不集作我慶始終盡禮大小周旋餘二十餘

間言貴不召驕富不期侈具集作是此四者條相首尾自古

名上或泥於此孰謂帝子超脫擺棄婦職是勤夫言是指

池荒館侈屏外不履淑德柔風天下傾耳宜乎壽考婦女

婚子不錫全社孰提神紀幽石有誌顯筆有史流于千祀



文苑英華卷第九百七十

墓表一

墓表

張法曹墓表一首

獨孤秘監墓表一首

權少監墓表一首

呂秘監墓表一首

柳侍御墓表一首

柳明府墓表一首

陸給事墓表一首

河南府法曹叅軍張公墓表

獨孤及

有唐逸士吳郡張師冲和純粹辯博閑達卓犖好古儻蕩

逸群官不近名唯代耕是媒

集作謀

貞不絕倍以忘機為心

秀才高第起家臨濮縣尉歷馮翊伊闕二縣主簿貞元元

年拜監察御史御史中丞鄭旻

集作吳

之擁旄濟江辟為從

事轉河南府法曹叅軍凡歷官五政享年五十八忘懷樂

道終始以之攘臂於壽集作壽祿聲利得喪虧盈之間如浮

雲無心野鶴獨立形全神全身與化俱上元二年八月辛

卯終于吳郡私第其孤惟儉惟靜能稟謇訓蒞歲皆精左

氏穀梁春秋貌爾在疚零丁何怙季弟秘書省正字曰從

申廼茹天倫之哀謀及卜筮以是歲九月二十八日權窆

于虎丘山之西原禮也初公祖捐之隋大業中進士甲科

位至御史尚書水部郎捐之生烈考集作法以碩學麗藻

名動京師亦舉進士自監察御史為會稽令文雅之慶施

於集後昆故擢秀才而衣繡木者及公三葉君子以為榮

必好學集無此字黃老且脩禪慧晚節傳集作持六經微言以遺

十三聖之學不墜於地君子以為為專厥階不羈頭項故

三子三聖之學不墜於地君子以爲博恢諧不羈頡頑傲

世視軒冕纓紱無非

二字集作如

塵埃必也臨事能斷義形於

也推賢達善不進不止君子以爲達當伊川啓戎歷陽爲

魚公力窘身陷者至於再涵泳沸鼎厲揭橫流而跡無緇

磷憂患不能及君子以爲智宜享黃髮而升青雲天乎降

凶殲我仁人嗚呼先王往無返期談藪清風詞林逸韻墨

池真草三事求絕凡今友朋可勝慟

集作痛

乎恐後代丘壠

將平川澤相失求遺跡者莫知德音之所始乃志之以石

求爲靈表

朝散大夫潁川郡長史贈祕書監河南獨孤墓表

前人

公諱某其先劉氏出自漢世祖光武皇帝之裔世祖生沛

獻王輔輔生釐釐生定定生節節生丐丐生長子廣嗣王

位少

集作次

子廙仕漢為洛陽令廙生穆穆生進伯為度遼

將軍擊匈奴兵少援不至戰敗為單于所獲遷居獨孤山

下生尸利單于加以谷蠡王之位號獨孤部尸利生烏和

烏和生二子長曰去卑為右賢王建安中獻帝自長安東

歸有李催郭汜之亂左賢王率其部衛車駕還洛陽

集無陽字

遂徙遷

集無遷字

許後

集後復

歸國卒次第猛代立生富

集作嗣下同

論富論生路孤路孤生眷眷生羅辰從魏孝文帝遷都洛

陽為司州洛陽人始以獨孤

一字集作其

部為氏氏用勳伐賜

爵永安公位征東將軍定州刺史征東生萬齡官至廷尉

謙曰貞廷尉生稽字延平並百左右射學窮金匱之奧魏世

祖初從平滑臺以功授散騎常侍歷守冀定相三州時新

定律令慎選廷尉徵公拜焉再世為法官俱以廉平不苛

顯名當時榮之加鎮東將軍薨謚曰文鎮東生歸辯聰而

才又為鎮東薨贈太尉太尉生冀希顏以博學侍講東宮

歷安南將軍定州刺史贈司徒司徒生永業以文武為備

佐齊王集作王入洛定鄴都督幽洛二州由行臺尚書令升

司徒封臨川郡王語在齊史臨川王生子佳在齊為勁武

將軍在周為儀同三司在隋守懷朔集作清遠鎮握節死

難贈并州刺史并州生義順武德中歷戶部侍郎尚

書左丞光祿大夫封洛南郡公生左千牛備身諱元慶公

之祖也千牛生朝散大夫定州長史諱思陳公之禰集作父

也二十三葉之德善鍾其仁集作人於公公剛方蕙清貞信

弘寬德克集作厚性和與四時氣侔非天下直道不行非先

王之法言未嘗言當出處去就之間非抑與不苟求與朋

友交非同道不苟合至若集無若字守王事臨大節非其正雖

臨以大兵不懼恪德危行居易中立不可得而親不可得

而踈讀書觀忠孝大略不探蹟索隱五字集作不索隱蹟屬詞止乎

禮義不主集作止詠情性而已太極元年詔舉文可以經邦

國者宣勞使源軋曜以公充賦時對策者數百人公與榮

陽鄭少微特冠科首起家拜同州郃陽縣尉歲蒲授好時

縣尉開元十四年玄宗初登封太山注意二千石令長以

蘇尉開元十四年玄宗初登封太山注意二千石令長以

贈嫗下民授公益州溫江令公公治縣如治家明不至察威
不至猛去煩苛繳繞之政施德信禮刑以訓齊之溫江人
歎公之風化逋者復疲者悅善者勸而不善者知耻益州
刺史張敬忠以狀聞詔授監察御史轉殿中侍御史會權
臣惡直斥去不附已者貶公廬州長史明年惡直者罷位
公稍移武功令未到官病免二十三年除寧州司馬二十
八年遷潁州郡長史初公爲御史嘗以直忤吏部侍郎李
林甫至是林甫當國常欲騁憾於我而五府三署每有高
選群公皆昌言稱公全才且各以臧文竊位自引由是免
咎然十年再選不離郡佐或勸公卑其道可以取容於世
公曰可卑非道也屈伸天也非人也人如予何天寶元年

加朝散大夫二年二月七日寢疾終于位春秋五十七位

不尊壽不遐志不行善不報與集作其直虛語守道者相弔

以為痛是歲八月殯于郡東至德二年歲次癸酉按通鑑目錄當

作西十月十四日權遷窆于洛陽龍門山西岡大曆四年

五月十二日詔贈祕書監命卿之位錫於身後嗚呼哀哉

夫人河南洛陽人也薛國長孫公薨之玄孫咸陽丞諱頌

集作頌府君之女右集作左金吾將軍諱子懿府君之妹稟天

元和生知孝慈含德之厚與坤體合執筭助祭四十餘載

人莫見夫人喜怒之容躬勤集作概非順承動合集作叶禮經宗

族以睦長幼以叙無言無為化成于家公之加命服也夫

人封雍集作時丘縣君沘等既孤夫人棄采蘋之度修

教授正觀法于長者比丘尼

六字集作於長老比丘

上方服勤

得四念處三昧視去諸結猶棄涕唾至德二年隨子東征

明年歲在甲戌

集作戊戌

七月二

集作此二

十四日終于會稽享年

六十有四八月某日權殯于雷門之南泥巨及正等遭天

不弔無怙無恃以世故坎墮不克遷祔者十一年矣欲報

顧復天胡有極今年問宅兆于前都水使者張係係卜其

泉東伊水西其泉鄉之原吉謹以歲次己酉秋七月壬午

遷公夫人靈坐合安厝于此原猶懼人世陵谷

集作陵谷世人

不我期也故不敢不志

攷集作

血勒石以遺後嗣

著作郎贈祕書少監權君墓表

李章

君姓權氏諱臯字士繇天水人符秦尚書僕射之後世為

著姓祖某某官父某某官咸有令德君既冠進士及第試

臨清尉時節將

三字節折本
文粹作持節

兼本道使籍君高名表為薊

縣尉充判官無何主將以逆節露君乃詐死使

一作
株

親涉

江既免禍累知幾其神先帝聞而歎之除評事御史方議

大用屬太夫人病危將侍奉憂勞因中痼疾無何太夫人

終君泣血三年厥疾用加外

一作
服

除遷起居舍人著作郎

大曆元年四月某日不幸逝于丹徒因殯焉享齡四十二

嗚呼識者慟哭聞者痛心君有大節不可奪大名不可掩

大才不可及大行不可名天與之仁不與之年哀哉自關

元天寶以來高名下位華方疾不能備舉然所憶者曰河

南元君德秀元終十年而南陽張君有畧張浚二年而君

南元君德秀元終十年而南陽張君有畧畧張浚二年而南陽

矣君一作元是之志如其道德張之行如其經術君之才如

聲望其人淪其瘁乎六字一作人倫其瘁公素與昌黎韓幼深京兆

王鎮卿洎華友善韓評君曰可以為宰輔王評君曰可以

為師保華評君曰可以分天下之善惡一人而已矣夫人

隴西李氏仁賢有一子某生七年矣哀禮成人嗚呼有後

哉朝廷贈君以秘書少監悼賢也華因病風扶曳浙本文粹作曳

私而往哭之嘗聞師乙之言温良而能斷者宜歌齊權君

可為一作謂温良而能斷者也故為齊風表君之墓云

忠於其一作而國孝於其一作而家潔而不滓瑜而不瑕仁胡

不壽為善者何君不幸耶時不幸耶

外王父贈秘書少監東平吳公神道表銘 梁肅

公之先出自姜姓太公之胤也唐虞之際佐治洪水有功

以能為禹股肱心膂命曰有呂氏洎太公誓蒼雉集作平

商收桓公責包茅匡周道傳國七百列于春秋漢興以勲

威在侯服者二十人臨泗侯之孫通封于東平其後國除

為郡著族元魏末有汶陽公思禮者扶翼周文開霸關右

歷行臺石丞兵部尚書時魏分為西東中夏擁隔遂居于

河東今為蒲人也從尚書四葉生璉皇朝晉陽令贈郴州

刺史郴州之嗣曰仁誨以文學稱以從父兄太一俱用射

策科太一歷御史尚書郎中書舍人戶部侍郎右庶子仁

誨由成王文學轉岐王府屬累遷右庶子金吾中郎將資

刺史除許州未拜而薨以集無此孝行聞仕至太僕丞

明故大夫太業生公公常其字其少享茂育志于學

加朝散大夫太僕生公公諱某字某少淳茂有志行居太僕府君憂泣血三年鄉黨稱之制終治古文尚書左氏春秋二十舉孝廉補博昌主簿歷任營丘文安二丞宣勞使以清白薦試守洛水令公為政務仁恕去苛察密化旁流邑中移風再歲正除加朝散大夫公性簡退不以善自名且不樂為吏秩未滿移疾罷去居于濟源王屋山之陽常言君子之道不從倍不離群幼安抗跡而傲世慈明濡足以救民曷若中行以全吾真由是逍遙樂道以漆園鶡冠老言為師時閱歷代史究興敗治亂之端叅以立身行道之義著書十餘卷集作嘯續呂氏春秋草藁未就屬寢疾捐館享年若干時開光二十五年也末泰中嗣子某位朝

散大夫右贊善兼陳州刺史尋遷檢校秘書少監兼徐州
別駕因詰闕拜章乞迴所授賜命于先人詔追贈公太子
中允謝恩之際又以公所著書上聞遂改贈秘書少監後
十有三載歲在某辰某月日龜著襲吉始安宅于某鄉里
之原江夏郡夫人黃氏祔焉夫人漢太尉琬之裔孫皇朝
大將軍淮州都督虢國公君漢之孫沂王府長史虢國公
承源之女洪州刺史京兆常同之甥有溫仁孝愛之德勸
義垂訓之美後公七歲而終公之追命于是有江夏之贈
嗣子秘書痛先君先夫人厭世寢遠音徽將昧常欽立貞
后傳德風蓄誠未申先是祖謝小子再拜受命於太夫人
且成伯舅集作陽之志恭論外祖之烈以示後嗣楊惲傳太

史之書久慙庸陋韓康感中軍之愛空想生平道遊字集作遺塵

在茲乎集作十以表墓文曰

赫赫有呂肇發于姜既協大禹亦亮武王營丘門地東平

傳嗣書之勲册集作尚書之勲有焯名位中郎伯仲允迪斯集作思

貴寔生秘書含道蘊粹仁為已任孝亦天至論經一作八

覽文叅六義三邑之佐清恭蕪貞鳴絃侷宰休有清聲退

謀於道爰晦其明體順集作桑保和遺榮集作身入冥春闈中

允蓬山二職運往時來退榮隱德集作守黑振彼集作德振江夏光

敷內則不及象服空垂燕翼太行之右清濟之北外孫紀

辭以志兆域

殿中侍御史柳公墓表

柳宗元

唐貞元十二年十二月庚寅葬我殿中侍御史河東柳公

於萬年縣之少陵原公諱某字某邑居於虞鄉曾王父某

官王父某官皂考某官奕世餘慶叢而未稔濟德流祉其

後宜大秀而不實為善者惑嗚呼哀哉唯公敦柔峻清恪

慎端莊進止威儀動有恒常一作度英風超倫孤厲貞方居

室孝弟與人信讓當職強毅遊刃立斷自少耽學頗工為

文既窮日力又繼以夜鄉里擇推敦迫上道乃與計偕來

遊京師親集作觀藝靈臺貢文有司射策合程遂冠首科休

有令問群士羨慕居數年授河南府文學教勵生徒選擢

節儒黨相賀庶人觀禮秩滿渭北節度延為參佐總齊

甚獲能稱加太常寺協律郎既喪主帥罷歸私室方

將脫遺紛埃退與道俱冲漠保神心優柔肆儒四方聞風

馳鵠書載筆乘輅乃作叅謀出入山朔方陪佐戎車遷大理

評事又加章綬朱裳銀印宗黨有一權權略密勿潛機理集

理照完彼亭堡時其講教實從我謀鄰國是徼改度支判

官轉大理寺司直出納府庫頒給軍食下無橫歛黔首休

息月校歲會莫不如畫軍集作豐財羨制成計得又遷殿

甲侍御史度支營田副使分閫之寄叅制其半柔以仁撫

剛以義斷戎臣坐嘯公堂無事朝端延首方待以位既而

祿不及伐冰政不獲專遂以其年正月九日遇疾終于集

於私館享年五十嗚呼痛哉奔驥騁力中途踈足高鴻輕

舉在雲墜翼凡我所知哀痛無極本道節度尚書朔寧王

張公震悼涕慕不任于懷臨遣牙將試殿中監李輔忠監
備凶禮賙賻甚厚行軍司馬侍御史常中規等匍匐救助
事用無闕舟旒素車歸于上京撰期定宅莫有憊素故友
諸生宗人外姻號慟會葬哀禮咸申克窆玄堂掩坎廣輪
顧眄無依徘徊增戶廟勒休聲延垂後賢於是汝南月君

集作

相巢等相與琢石書德用圖不朽文曰

抱元淳稟粹和旣強毅又柔嘉登儀曹耀文章司學徒儒
風揚自渭北來朔方戎政隄黔首康冠惠文垂朱裳才不
施天津茫舛樂石篆遺芳

集作德

延休烈垂憲則於萬年長

無極

弘農令柳府君墳前石表辭

前人

水陵原柳氏之大墓唐貞元十九年某月日狐某奉其先

君洎夫人之喪祔于其位由新墓而南若干步曰高祖

主父蘭州府君諱某字某之墓又東若干步曰曾祖王父

邠州府君諱某之墓西若干步曰祖王父司議郎府君諱

某之墓咸異兆而相望祐穆之有位序壤樹之有豐殺皆

如律令府君諱曰集無曰某字曰某由父任爲太廟齊郎

更許昌陽武伊闕華原尉王屋丞汝陰令爲弘農二年推

其誠格于其人闢土生穀若有天相之道衣食給足故人

不札天教厲明具故倍不爭奪遂以洽于太和事理克彰

刺史盧杞加禮褒旌考績絕尤推君之政風于下邑命爲

吏部尚書郎廩河南授命黜陟狀君理績殊異宜升天朝

帝有歎焉方圖優昇命用不長年五十五建中二年某月

日卒于官以其素廉家之蓄不足以充凶事遂殯于是邑

仍會危難至于今乃克返葬孤某常為黔州錄事叅軍今

無祿仕而集有志不敢緩初君娶司農少卿京兆常山之子

集作涇陽主簿廻智之女德容温良大曆二年某月日卒

于越而假葬焉孤某徒行自越西舉天人之喪至於號舉弘

農君之喪咸至於墓窆焉既窆集作立石表於壙墳前承後

之人以無忘孝敬嗚呼世有難仁于外而葬其族者希矣

孝子之心有待駟馬五鼎而卒不至者焉若今之殺衣黜

食寒妻子饑僕御終身由之而心益不憚為旅人徒跣萬

里以冠困終事孝之難者歟下而慕者舜也祿集

此字

千鍾而悲者魯子也聖口
共賢難之若是今之人有由其道
者待不立於世乎

給事中皇太子伴
可讀陸文通先生墓表
前人

孔子作春秋千五百年以
公名為傳者五家今用其三焉秉
觚牘焦思慮以為論註
說者百千人矣攻訐狠怒以辭
氣相擊排冒沒者其為事
巨勳則充棟宇出則汗牛馬或合
而隱或垂而顯後之學者
窮老盡氣左視右顧莫得而本
則專其所學以訾其所異
黨枯竹護朽骨以至於父子反
集作傷夷君臣詆悖者前世多有之甚矣聖人之難知也有
吾郡人陸先王質與其師友天水啖助洎趙匡能知聖人
之旨故春秋之言及是而光明使庸人小童皆可積學以

入聖人之道傳聖人之教是其德豈不侈大矣哉先生字
 某既讀書得制作之本而獲其師友於是合今古散同異
 聯之以言累之以文蓋講道者二十年書而志之者十餘
 年其事大備為春秋集註十篇辯疑七篇微旨二篇明章
 大中發露公器其道以生人為主以堯舜為的苞羅旁魄
 膠轕下上而不出於正其法以文武為首以周公為翼揖
 讓升降好惡喜怒而不過乎物既成以授世之聰明之士
 使陳而明之故其書出焉而先生為巨儒用是為天子爭
 臣尚書郎國子博士給事中皇太子侍讀皆得其道刺二
 州守一本無人知仁一本作化永貞年侍東宮言其所學為古
 君臣圖以獻而道達乎上是歲嗣天子踐祚而理尊優

君臣圖以獻而道達乎上且天歲嗣天子踐祚而理尊優

儒先生以疾聞臨問加禮某月日終于京師某月某日葬

于某郡某里嗚呼先生道之存也以書不及施於政道之

行也以言不及繩集作其理門人世儒是以增痛動將葬

以先生為能文聖人之書通于後世遂相與謚曰文通後

先生集作先生後若干祀有學其書者過其墓哀其道之所由

乃作石以表謁一本無謁字



文苑英華卷第九百七十終



御書

御書

御書

御書

御書

御書

...

...

...

...

...

...

...

...

...

...

...







浙江圖書館善本

甲登記號:022471

一九 年 月 日



0 1 2 3 4 5 6 7 8 9 10 11 12 13 14 15 16 17 18 19 20

